

EL APOCALIPSIS

O REVELACIÓN A SAN JUAN

La revelación de Jesucristo

1 ¹⁻² Үң, Juan cawamescъ, Jesucristo cъ carotii yъ ã. Atie quetire mұjaare yъ uca joo.

Atie Jesucristo yъre cъ camajorique ã yъ caucarije. Caroaro cariape queti buiorica wame ã. Ati ымұrecoo capetiparo jūgoye cabaipe queti buiorique ã. Atie cъ caĩrore bairo yoaro mee baigaro yua.

Mani Pacъ Dio atiere cъ camajioņupi cъ Macure. Jesucristo yarã, cъ carotirã na majiato ii cъ Macure cъ camajioņupi Dio. To bairi yъ tұpъ cajoowĩ Jesu ángelre, Dio tъ macacure, Juãre cъ majioato ii. To bairi yъre cъ caqueti buioriquere, to bairo yъre cъ caiņoorique quenare mұjaare yъ queti buiopa. ³ Ocõo bairo yъ i tunu: Caroa yericutaje na joogъmi mani Pacъ Dio ati pūurore aperãre cabue iņoorãre. Atie queti buioriquere caapirã quenare caroare na joogъmi. Petoacã ruja ati ымұrecoo capetiparo jūgoye. To bairi atie queti buioriquere caapiņjarã maca wariņuuгарãma yua.

Juan escribe a las siete iglesias

⁴ Үң, Juan cawamescъ yъ uca joo mұjaare Dio yere caapiņjarãre. Mұjaare Asia cawamescъti yeparұre siete macari macanare mұjaare yъ uca joo. Ocõo bairo mұjaare yъ i: Mani Үpаъ Dio nemoona cãņupi. Yucъ quenare to bairona anicõa aninucumi. Ape rұmұpъ quenare to bairona atīgъmi tunu ati yeparұre. Dio caroare cъ joonemoato mұjaare. Caroa yericutaje quenare mұjaare cъ joonemoato. To bairona cъ caruiro riape macana, siete espĩritu majuu, manire cabauquēna mena caroare cъ joonemoato mұjaare. ⁵ To bairona Jesucristo, cariape manire caqueti buiocõa ãcъ quena caroare cъ joonemoato mұjaare. Jesucristo maca cabai yajiricъ anibacъ quena catunu catiyupi. Catunu cati jugoricъ ãmi Jesucristo. To bairi yucъra caroti majuu ãmi. Ati yepa macana ұparã quenare carotii ãmi. Cъna manire maibұjami. Үgueri coje rericarore bairona manire cãtibojayupi, caroorije mani cãtajere majiriobojau. Manire cъ carif peti yajibojarique jūgori manire camajiriobojayupi. ⁶ To bairi caberopъ cъ mena carotiparãre manire cacũņupi. Sacerdote maja mani cãnipe quenare manire cacũņupi Jesu, aperãre Diore cajenibojaparãre. To bairo cãna manire cъ cacũricarã aniri caroaro manire cъ cãtibojariquere tūgoņari ocõo bairo cъre mani i wariņuu: “Mani Pacъ Dio, caroaro mұre

jā áti núcubugo. Caroti majuu mũ ã. To bairona mũ anicõa aninucu to cãnacã rũmu. To bairona to baiato,” cũre mani ĩ wariĩuu yua.

⁷Caroarõ tũgooñãa mũjaa. Atĩgũmi Jesu. Oco bujeri burãa watoarũ rui atĩgũmi. To bairo cũ carui atõ yua, ati yepa macana nipetirã cũ tũjũgarãma. Cũre capuaricarã, cũre cajarericarã quena cũ tũjũ acũa peticoagarãma. To bairo cũre tũjũ acũari otigarãma. Ati yepa to cãnacã poa macana nipetirã cũ tũjũ acũari otigarãma. To bairona to baiato.

⁸Ocõo bairo ĩmi mani Ƴraũ Dio: “Yua, nipetirijere cãtacũ yũ ã. Nipetirijere camajii yũ ã. Nipetirã netoro catutuaũ yũ ã. Nipetiropũ cãcũ yũ ã. Tĩrũmpũ cãni jũgoricũ yũ ã. Yucũ quenare to bairona yũ anicõa. Ape rũmpũ quenare ati yepapũre tutuaro mena yũ atĩgũ tunu,” ĩmi Dio yua.

Una visión del Cristo glorioso

⁹Yũ, Juan sawamesũcũ mũja jũgocũre bairo cãcũ ati pũuro mũjaare yũ uca joo. Popiye mũja catamũorore bairo yũ quena popiye yũ tamũ. Camaja mũjaare na cateerore bairona yũ quenare yũ teebũjama. Jesucristo cũ carotiriquere yũ caapiũjarije wapa yũ teebũjama. To bairo mũjaare bairo popiye tamũobacũ quena yũ nũcacõa. To bairona Jesure yũ apiũjacõa aninucu. To bairona atona yũ anibapa Patmos na caĩri poa yucũ poarũ. Dio cũ caqueti buio cũriquere yũ caqueti buionucurije wapa ati poapũre yũ ã. Atopũ yũre cacũ rocacõawã Jesu ye quetire caapigateerã. Jesucristo cũ cãniere yũ caqueti buionucurije wapa yũ cacũ rocacõawã. Aperãre cũ queti buio teñaqueticõato ĩrã, yũre cacũ rocacõawã atore, Patmos na caĩri yucũ poapũre yua. ¹⁰To bairo atopũ ani yua, ĩca rũmũ mani Ƴraũ Jesu yere buerica rũmũ cãnorũ yũ cabuewũ Dio yere. Espĩritu Santo cũ camajiorije jũgori yũ cabuewũ. To bairo bue yua, apeye unie cabũjũro yũ caapiwũ. Yũ jõcũ bero maca tutuaro cabũjũro putiricarore bairo cabũjũro yũ caapiwũ. ¹¹Putiricarore bairo bũjubato quena camajocũ cũ cawadarore bairona cabũjũwũ. Ocõo bairo yũ caĩ wadawĩ:

—Yua nipetirijere cãtacũ yũ ã. Nipetirijere camajii yũ ã. Nipetirã netoro catutuaũ yũ ã. Nipetiropũ cãcũ yũ ã, cũ caĩrijere yũ caapiwũ. Ocõo bairo yũ caĩwĩ tunu: —Mũre yũ caĩñoopere ucaya. To bairo tiere uca yaparou tiere mũ joogũ camajare yũre caapiũjarãre. To macanare, Asia yeparũ siete macari macanare na mũ uca joowa. To bairi Efeso, Esmirna, Pẽrgamo, Tiatira, Sardis, Filadelfia, Laodisea cawamecuti macari macanare na mũ uca joowa. Mũre yũ caĩñoore uca átiri na mũ queti joowa. “To bairo yũ catũjũwũ,” na mũ queti buio uca joogũ nare. To bairo yũre cũ caĩrijere yũ caapiwũ yua.

¹²To bairo cũ caĩro apii yũ caamojore tũjũwũ, ãñamũ yũre cũ wadati? ĩi, cũ tũjũgũ. To bairo amojore, tũjũũ yua, ĩĩa bujurique capejari tuturire siete tuturi majuure yũ catũjũwũ. Oro na caĩrije caajiyarije majuu mena na caquenoorica tuturire yũ catũjũwũ. ¹³Ti tuturĩ watoarũ yũ catũjũwũ camajocũre. Camajocũ anibacũ quena Dio Macũna ãcũmi, yũ caĩ tũgooñawũ. Cũ maca jutiro cayoarĩ wũre cãjañawĩ. Cũ rũporĩ tũpũ cãni ejoowũ cũ jutiro wũ. Cũ cotia bui caajiyari ajerore cajia tuwĩ oro ajero majuure. ¹⁴Cũ riya botirica cabauwũ. Cũ poa quena to bairona cabauwũ. Lana na caĩrije, oveja poa cabotirijere bairo cabauwũ. Nieve cawamecutie, cabotirije majuure bairo cabauwũ. Cũ cape quena perore bairo caajiyawũ. ¹⁵Cũ rũporĩ quena bronce cawamecutie ãpoare bairije cabauwũ. Cũ rũporĩ maca bronce peropũ na caajioñarique, na caoje cojeriquere bairo

seeto caajiyawñ. Tutuaro majuu cawadawĩ. Capairi poero cabujuro cõo cawadawĩ. ¹⁶Cũ wamo cariape macá nũgoa maca ñocoare siete majuu nare cañewĩ. To bairi tunu cũ rijerorũ cabutĩ nũcawũ jarerica pãi, pũga nũgoarũna caori pãi. Cũ riya muĩru umũreco macacure bairona caajiyawũ.

¹⁷To bairo cabauñre cũ tujũu yua, tujũ acũbacũ yũ cañacoarũ cũ tũrũna. Cariaricure bairona yũ cabaiwũ. To bairo yũ cabairo cũ maca yũ capañawĩ cũ wamo cariape nũgoa mena. Yũ pañari ocõo bairo yũ caĩwĩ yua:

—Juan, yũ uwiqeticõaña. Yũa nemoona cãni jũgoricũ yũ ã. To bairona yũ anicõa aninucũgu to cãnacã rũmũ. ¹⁸Yũre na caparua jĩabato quena yũ catunu catiwũ. To bairi yucũra cacaticõa ãcũ yũ aninucũgu to cãnacã rũmũ. Yũre cacũwĩ Dio camajare na canetoopañre. To bairi yũ yarã caroorã ya paũrũ na cãnicõa aninucubopere canetoobojau yũ ã, yũ caĩwĩ camajocũ anibacũ quena to bairo cabauũ.

¹⁹To bairo ï yaparorũ ocõo bairo yũ caĩwĩ tunu:

—Juan, ocõo bairo mũ cáto yũ boo: Mũ catũjuejere ucaya. Yucũacã mũ catũjuriye quenare ucaya. Cabero cabaire quenare ucaya. ²⁰Apiya Juan. Mere mũ yũ queti buiogũ atiere ñocoa siete majuu yũ cacũgorijere. Yũ wamorũ cariape macá nũgoa maca yũ cañerijere mũre yũ queti buiogũ. To bairona jĩa bujuriye capejari tuturi siete tuturi majuu quenare mũre yũ queti buiogũ. Ocõo bairo mũre yũ queti buio majiopa: Tie siete jĩa bujuriye capejari tuturi maca majioro bai siete macari macana yũ ye quetire caneñapo buerãre. To bairona siete ñocoa yũ cañerã quena majioro bai yũ ye quetire siete macaripũre caqueti buio teñarãre.

Mensajes a las siete iglesias: El mensaje a Efeso

2 ¹To bairo ï yaparorũ ocõo bairo yũ caĩwĩ tunu:

—Efesorũ cãna yũ yere cabuerãre queti buio teñari majocure cũ mũ uca joowa. Ocõo bairo cũ mũ ï queti joowa: “Ocõo bairo ïmi cũ a siete ñocoare cũ wamorũ cariape nũgoarũ cacũgorũ. Cũ a siete jĩa bujuriye capejari tuturi caajiyari tuturi oro na caĩrije mena na cáta tuturi watoarũ cáaãteñau majuu mũjaare ï queti buiogũ ocõo bairo ïmi: ²Mũja cáti aniere nipetirijere yũ maji. Ocabũtĩri caroare mũja átinucu. Popiye baibana quena, ‘Ñuugaro. To bairona mani nũcacõagarã,’ mũja ï tũgoõñanucu. Cañuuquẽna na cátiere mũja booquẽe. ‘Dio cũ caqueti buio joo rotiricarã jã ã,’ caĩrãre ¿cariapena na ïti? mũja ï tũgoõña maji. Na caqueti buiorijere apirã, ‘Caĩtorã ãma,’ mũja ï maji. To bairi na mũja apiũjaquetinucu. ³To bairi, ‘Mani quepecoapa,’ mũja ïquẽe. Yũ caboorijere ocabũtirique mena mũja áticõa. To bairo mũja cáto aperã maca mũja popiyeyema yũre mũja caari nũcũbugoro. To bairo mũja maca popiye baibana quena, ‘Ñuugaro. To bairona mani nũcacõagarã,’ mũja ïnucu. Yũ carotirijere mũja áti janaquẽe. ⁴To bairo mũja cabaibato quena jĩa wame mũjaare rũja. Tĩrũmũpũre yũre mũja camaji jũgori paũrũ seeto yũre mũja camaiwũ. Yucũra yũre mũja camaibatatore bairo yũre mũja maiquẽe yua. ⁵To bairi ocõo bairo mũjaare yũ ï: Yũre tũgoõñaña tunu yũre wama maji jũgorã yũre mũja catũgoõñabatatore bairo. To bairo tũgoõñari tũgoõñarique paiya yucũra mũja cabairijere. Rooro mũja cãniere janaña. Yũre wama maji jũgorã mũja cátinucuricarore bairo ája tunu. To bairo mũja cátiqũepata jĩa bujuriye capejari tuture, mũja ya tuture yũ rocacõagũ. To bairo yũ cáto mũjaa Efesorũ cãna yũ yere cabuerã rooro majuu mũja tamũogará yua.

⁶To bairo muja cabairije to cānibato quena jīca wame muja cāti wamere yu tuju wariñuu. Nicolaítas cawamecuna caroorije yu cateerije cána muja quena na cátiere muja booquée. ⁷Mujaa Efeso macana Espiritu Santo cu cañirijere apiri caroaro apiujaya mujaa. Yu yere caneñapo bueräre cu cañirijere caroaro apiujaya. Ocõo bairo ïmi mujaare: ‘Caroorije Sataná cu carotirijere cátiqueticõa aninucuräre na yu uga rotigu caroa paupü Dio cu cānopü yucu ricare. Tii yucu rica maca catiriquere cajooricu ricare na yu uga rotigu. Caroorije Sataná cu carotirijere cabai netoo nucaräre tii yucu ricare na yu uga rotigu,’ ïmi Espiritu Santo.” To bairo cu ï uca jooya Juan, to macacure. Efeso macana Dio yere caneñapo bueräre queti buio teñari majocure to bairona cu queti buio uca jooya, yu cañwī Dio Macu camaja tūpü Dio cu cajooricu.

El mensaje a Esmirna

⁸Ï yaparou ocõo bairo cañwī tunu:

—Juan, apeñ quenare cu mü uca joowa. Esmirnapü cāna yu yere caneñapo bueräre cabuiori majocure cu mü uca joowa cu quenare. Ocõo bairo cu mü ï uca joowa: “Ocõo bairo ïmi nemoona cāni jugoricu, to cānacā rümü cānicõa aninucucu. Cabai yajiricu anibacu quena catunu catiricu mujaare ï queti buiogü ocõo bairo muja ïmi: ⁹Yu yu maji nipetirije muja cabainucurijere. Apera mujaare na cateerije jugori popiye muja tamuo. Bopacooro muja bai. To bairo baibana quena caroa majuu Dio mujaare cu cajoorije macare paio majuu muja cugo. Yu maji rooro majuu cañtorá mujaare na cawada pairijere. Judío maja rooro majuu ïma mujaare. To bairi, ‘Judío maja mani ã, Dio yarã majuu mani ã,’ ïbana quena jocarãna ïnucuma. Sataná yarã maca ãma naa. ¹⁰Apeye tunu, popiye muja cabaipere tugoñarique paiqueticõaña mujaa. Sataná maca muja mena macana jīcaaräre na wadajägumi, Dio yere janacõaña mujaa ïi. ‘Apiujaqueticõaña tiere,’ ï wadajägumi Sataná maca. To bairo mujaare ï wadajã yua, presopü muja joogumi. Puga wamo cānacã rümüri majuu presopü tutuaro majuu muja átigumi, Dio yere na apiuja janacõato ïbacu. To bairo cu cátibato quena yu yere apiuja janaqueticõaña mujaa. Mujaare na cajjagabato quena yure apiuja janaqueticõaña. Yure tugoña tutua anicõaña. Yu maca to bairo caroaro muja cāti anicõaro tujñu yu mena to cānacã rümü yu tūpü wariñuurique mena muja cānicõa aninucupere mujaare yu joogu yua. ¹¹Mujaa Esmirna macana Espiritu Santo cu cañirijere apiri caroaro apiujaya mujaa. Yu yere caneñapo bueräre cu cañirijere caroaro apiujaya. Ocõo bairo ïmi mujaare: ‘Caroorije Sataná cu carotirijere canetoo nucarã maca caroorã ya paupü aäquetigarãma. Na cabai yajiro beropü quenare caticoagarãma. Yajiquetigarãma tunu. Pügani yajiricarore bairo baiquetigarãma. Cabero popiye tamuoquetigarãma yu,’ muja ïmi Espiritu Santo.” To bairona mü ï uca joowa Juan to macacure. Esmirnapü cāna yu yere caneñapo bueräre cabuiori majocure to bairona cu mü uca joowa yua, yu cañwī Dio Macu camaja tūpü Dio cu cajooricu.

El mensaje a Pérgamo

¹²Ï yaparou ocõo bairo yu cañwī tunu:

—Juan, apeñ quenare cu mü uca joowa. Pérgamopü cāna yu yere caneñapo bueräre cabuiori majocure cu mü uca joowa cu quenare. Ocõo bairo cu mü ïwã: “Ocõo bairo ïmi, jarerica pã puga nugoapü caori pãi casugou maca. Mujaare ï queti buiogü ocõo bairo ïmi: ¹³Muja cāti aniere

nipetirijere yu maji. Sataná cu carotiri macapu mija anicōa aninucu mai. Ti maca macana Sataná cu carotirore bairona áama caroorije majuure. Yu yan Antipas cawamescure cu cajía rocaḁawā. Yu caqueti buio cūriquere caroaro caqueti buionucure cu cajía rocaḁawā to macana. To bairo na cátibato quena mija maca yu yere mija áti janaquēe. Caroaro mija áticōa aninucu. To bairi caroaro mijaare yu tūgoōna wariñuu. ¹⁴To bairo caroaro mija cáticōa aninucubato quena jīca wame mijaare rija. Mija mena macana jīcaarā caroori wamere áama. Balāa cawamescu tirumuru macacu cu ānacure bairona áti rotima. Balāa maca apeire, Balacu cawamescure ocōo bairo cu caī queti buioyawī: ‘Israel macanare na mū cáti rooye tuugaata ocōo bairo na áti rotiya. Camaja na cawericarā Dio cāniquēnare na áti nūcubugori waibucu rire na cajoe buje mūgo joo rugarijere nare ūga rotiya Israel macanare. To bairo átiri caroorije áti eperique quenare na áti rotiya Israel macanare, na rooye tuugu,’ cu caī queti buioñawī Balāa maca apeī Balacure. To bairo Balāa tirumuru cu caī rotiricare bairona mija mena macana jīcaarā to bairona na áti rotima na quena yu yere caneñapo buerāre. To bairo na caī rotiro yu booqueti majuucōa. ¹⁵Ape wame tunu mija mena macana jīcaarā nicolaítas cawamescuna na cabuionucurije caroorije quenare janagaquēema. Na ye na cabuionucurijere yu teebuja. ¹⁶To cōona ti wamere na janaato caroorijere. Tiera na cajanaqueticōaata yoaro mee na popiyeyegu na turu yu aágu. Na turu aá, na mena yu ame quēgu. Yu jarerica pāi mena yu rijeroru cabuti nūcari pāi mena yu ame quēgu. Caroorije na cabuionucurijere na cajanaqueticōata na mena yu ame quēgu yua. ¹⁷Mujaa Pérgamo macana Espiritu Santo cu cañijere apiri caroaro apiujaya. Yu yere caneñapo buerāre cu cañijere caroaro apiujaya. Ocōo bairo ĩmi mijaare: ‘Caroorije Sataná cu carotirijere canetoo nūcarāre caroa macare na yu joogu ūgarique, maná cawame cutiere. Ūmurecoo macajere cabauquētiere na yu joogu. To bairi na cāno cōona ũ ta rupaare cabotiri rupaare na yu joogu. Ti rupaarure cawama wame nare yu cawameyerica wamere uca turi nare yu joogu. Na ya wamere majiquēema aperā, tujūquetiri. Na ya wamere cawamescuna jeto majima. To bairona na yu joogu caroorije Sataná cu carotirijere canetoo nūcarāre,’ mija ĩmi Espiritu Santo.” To bairona mū ĩ uca joowa, Juan. To macacure Pérgamoru cāna yu yere caneñapo buerāre cabuiori majocure to bairona cu mū queti buio uca joowa, yu caīwī Dio Macu camaja turu Dio cu cajooricu.

El mensaje a Tiatira

¹⁸Ī yaparocu ocōo bairo yu caīwī tunu:

—Juan, apeī quenare cu mū uca joowa. Tiatirapu cāna yu yere caneñapo buerāre cabuiori majocure cu mū uca joowa cu quenare. Ocōo bairo cu mū ĩwā: “Ocōo bairo ĩmi Dio Macu. Cu cape perore bairo caajiyau, cu rupuori bronce āpoare bairije peroru na caajioñarique, na caoje cojeriquere bairo carupuori ajiyau ĩmi. Mijaare ĩ queti buioyu ocōo bairo ĩmi: ¹⁹Mija cáti aniere nipetirijere yu maji. Caame mairā mija ā. Mija ame átinemonucu. Yure mija api nūcubugonucu. Popiye tamūobana quena to bairona mija nūcacōa. To bairona yure mija apiujacōa aninucu. To bairi tirumurure yure mija cawama maji jugoro caroaro mija cátrato netobujaro caroare mija átinemo nutuapa yucura. ²⁰To bairo caroaro mija cátibato quena jīca wame mijaare rija. To macaco Jesabel cawamescure co mija buu rocaquēe.

Aperopu co mɔja aá rotiquêe. Caroorije caqueti buio paio co cânibato quena co mɔja aá rotiquêe. Co maca, ‘Dio ye quetire cabuiori majoco yu ã,’ caïo anibaco quena jicona caïo ãmo. Mɔja tu cânare topu yu yere caneñapo buerãre yu carotibatanare ricati jeto na buiotomo. Áti eperique jeto na áti rotimo. To bairi camaja na majuuna na cawericarã Dio câniquênare na áti nɔcubugori waibucu rire na cajoe buje mugo joo rugarijere na uga rotimo. Ti wame caroori wame quenare na áti rotinucumo. To bairi topu cõre mɔja câni rotiro yu booqueti majuucõa. ²¹To bairi, ‘Rooro yu átibapa, caroorije yu cátiere yure mɔ majiriobojawa,’ co ãato ñi yoaro yu cotebapa. Co maca ñquêemo. Janagaquêemo caroorije co cátiere. ²²To bairo co cátie wapa popiye co catamuro yu átigu. Yoaro seeto co caria yojaro co yu átigu. Co mena cáti epenucurã quenare to bairona na yu popiyegegɔ. Caroorije na cátinucurijere na cajanaqueticõamata cõre bairona popiye na catamuro yu átigu na quenare yua. ²³To bairona co punaa quenare na yu jãa regu. To bairo co punaare na yu cajãa rero tujurã yua, to cânacã maca macana yu yere caneñapo buerã maca yu camajirijere majigarãma. ‘To bairi mani yeri, mani catugooñarije nipetirijere maji peocõami Dio,’ ñ tugoña majigarãma. ‘To bairi Jesabel rooro co cátoire bairo mani cápata mani popiyegegumi Dio mani quenare,’ ñ tugoña majigarãma yua. ²⁴To bairo rooro na cátibato quena mɔjaa Tiatira macana jãcaarã caroaro mɔja ã. Jãcaarã Jesabel co caïtorijere na caapibato quena aperã mɔja apiñajuêe cõre. Co cabuiorijere mɔja booquêe. Satanã cu carotirije unie ã co cabuiorije. Co yarã maca, ‘Cawama wame ã, caroa queti buiorica wame ã. Tie tirumupure camaja na camajiquetaje ã. Yucucã mani maji,’ ñma cõre caapijarã. To bairo na caïbato quena jãcaarã tiere mɔja booquêe mɔja maca. Na caïtorijere mɔja booquêe. To bairo tiere booquetiri caroaro mɔja átinucu. Yu maca, ‘To bairona caroaro mɔja cátinucurore bairona áti anicõaña,’ mɔjaare yu ñ. Ape wame mɔjaare yu rotiquêe. ²⁵Mɔja tɔpu yu catunu atíparo juyoye caroare mɔja cáti aniere yu catujoorije cãno cõo áticõa aninucuña. ²⁶⁻²⁷To bairi caroorije Satanã cu carotirijere canetoo nucarãre na yu cõgu ñparãre bairo cabairãre. Yu carotirore bairo cáticõa aninucurãre ñparãre bairo cabairãre na yu cõgu. Aperãre na roti majiriquere, yu Pacu yure cu cajoore bairo na quenare na yu joogu na caroti majipere. To bairo na yu cajooro na quena roti majigarãma. Ati yepa macana, to cânacã maca macanapurena na roti majigarãma. Tutuaro majuu na roti majigarãma. To bairo roti majirã yua, camaja cañuuquênare nare recõagarãma. Come rucã mena ríi joture pawaricarore bairo na recõagarãma Dio yarã câniquêna macare. ²⁸To bairi ñocore na yu joogu caroorije Satanã cu carotirijere cabai netoo nucarãre. Cabujuri ñocore na yu joogu yua. ²⁹Mɔjaa Tiatira macana Espiritu Santo cu caïrijere apiri caroaro apiñajaya mɔjaa. Yu yere caneñapo buerãre cu caïrijere caroaro apiñajaya. To bairo mɔja ñmi,” mɔ ñ uca joowa Juan. To macacure Tiatirapu cãna yu yere caneñapo buerãre cabuiori majocure to bairo cu mɔ ñ uca joowa, yu caïwí Dio Macu camaja tɔpu Dio cu cajooricu.

El mensaje a Sardis

3 ¹Ñ yaraɔɔ ocõo bairo caïwí tunu:

—Juan, apeñ quenare cu mɔ uca joowa. Sardispu cãna yu yere caneñapo buerãre cabuiori majocure cu mɔ uca joowa cu quenare. Ocõo bairo cu mɔ ñwa: “Ocõo bairo ñmi siete espíritu majuure cajoo majii. Siete ñocore casugon majuu maca ñmi. Mɔjaare ñ queti buioɔ ocõo bairo

ĩmi: Muja cáti aniere nipetirijere yu maji. Aperã maca, ‘Caroaro camaja catirã âma Sardis macana Dio yere caneñapo buerã,’ ĩma mujaare. To bairo na caĩbato quena, ‘To bairo caroaro camaja catirã me âma,’ mujaare yu ĩ tujũ yu maca. Cabai yajicoatanare bairona muja bai yu caboorijere áti ocabutiquetibana. ²Cacanirãre bairo muja bai, caroaro tũgooña majiquetibana. Maja catiya. Petoacã caroare muja tũgooña bairã pua. To bairi caroare muja catũgooñari wameacã tũgooñanemoña, tieacã manire yajire ĩrã. Dio cũ caboorore bairo majuu muja áti peoquẽe. ³Yu ye queti buioriquere muja caapiwũ. Tiere apirã muja caapiuja jugõwũ. To bairo muja cáatore bairo tũgooñaña. Yu ye queti buioriquere apiujaya caroaro tunu. Caroorije muja cátie macare tũgooñarique paiya. Caroorijere áti janacõaña. To bairo yu caĩ rotirore bairo muja cátiqũepata mujaare yu popiyeyegũ. Jee rutiri majocu, ‘Ti rumũ cãno ejagumi,’ muja caĩ majiquẽtore bairona, ‘Ti rumũ majuu ejagumi,’ muja caĩ majiqueti rumũna yu ejagu. Mujaare popiyeyegũ muja tũpu yu ejagu. ‘Ti rumũ cãno atĩgumi,’ muja caĩ majiqueti rumũ yu ejagu. To bairi caroorije muja cátinucurijere áti janacõaña yucũra. ⁴To bairo Sardis macana capãarã caroorije muja cátibato quena muja mena macana jĩcaarã maca caroaro áama. Na maca camaja caroorije na cátinucurijere tujurã nare bairo átiagateema. Ti uniere booquẽema caroorije aperã na cátiere. To bairi caroorijere cátiqũena aniri yu mena jutii cabotirijere caroa caũgueri maniere cajaanãre bairo yu mena anicõagarãma. ⁵To bairo caroorije Satanã cũ carotirijere cabai netoo nucarã nipetirã na quena to bairona jutii cabotirijere cajaanãre bairo anicõagarãma. To bairi ti pũuropũ Dio yarã na wame uca turica pũuropũ tujacõa anigaro. Ti pũuropũ na wamerire yu cojequetigũ yua. To bairi, ‘Caacu, ati maja âma yu yarã,’ cũ yu ĩgu yu Pacu Diore. Yu tu macana, ángel maja quenare to bairona na yu ĩgu: ‘Ati maja âma yu yarã, yu Wadariquere caapiujarã,’ yu ĩgu nare. ⁶Mujaa Sardis macana Espĩritu Santo cũ caĩrijere apiri caroaro apiujaya mujaa. Yu yere caneñapo buerãre cũ caĩrijere caroaro apiujaya.” To bairona mu ĩ uca joowa, Juan. To macacũre Sardispũ cãna yu yere caneñapo buerãre buiori majocũre to bairona cũ mu queti buio uca joowa, yu caĩwĩ Dio Macũ camaja tũpu Dio cũ cajooricũ.

El mensaje a Filadelfia

⁷Ĩ yapaꝛou ocõo bairo yu caĩwĩ tunu:

—Juan, apeĩ quenare cũ mu uca joowa. Filadelfiapũ cãna yu yere caneñapo buerãre buiori majocũre cũ mu uca joowa cũ quenare. Ocõo bairo cũ mu ĩwã: “Ocõo bairo ĩmi caĩuu majuu, cariape caqueti buioũ. Upau David tirumũpu macacu yu macapu cajãa rotii majuu muja ĩmi. Cũ cajãa rotiro aperã, ‘Jãaquẽja,’ ĩ majiquẽema. Cũ cajãa rotiquẽto quena aperã, ‘Jãa roticõaña,’ cũ ĩ neto majiquẽema. Mujaare ĩ queti buioꝛu ocõo bairo ĩmi: ⁸Muja cáti aniere nipetirijere yu maji. Camaja capãarã mee muja ã. To bairi seeto cáti ocabutirã mee muja ã. To bairo baibana quena yu ye quetire muja janaquẽe. To bairi caroare muja cátiarije nipetirijere muja áticõa anigarã. Nipetirije yu catũoorije muja cátiarije cõo muja áti majigarã. Ocabutirique mujaare yu cajoorije jugori yu caboorijere muja áti majigarã. To bairi aperã maca, ‘To bairo átiqũeticõaña,’ ĩbana quena muja mata majiquetigarãma. ⁹Na maca, ‘Judío maja jã ã, to bairi Dio yarã majuu jã ã,’ ĩma. To bairo ĩbana quena Dio yarã me âma. Satanã yarã maca

ãma naa. To bairi yucnacã rooro majuu mujaare na cabooquetibato quena cabero yua, mujaare caroaro na cáti nucubugoparore bairo nare yu átigu. ‘Dio cu camairã majuu muja ã,’ mujaare na caí nucubugoparore bairo na yu átigu yua. ¹⁰ Ape wame tunu, caroaro muja áa. Popiye baibana quena muja nucacõa. To bairona muja apijacõa aninucu yu caí rotieparore bairona. ‘Dio cu caboori rumu mani netoogumi rooro mani catamhorijere,’ muja i tũgoõña. To bairo caroaro muja caí tũgoõño tũjuu yu maca mujaare yu átinemogu. Ati yepa macana nipetirã rooro na catamhopa rumuri cânopu mujaare yu átinemogu. Mujaare yu netoogu. Popiye muja tamhoquetigarã ti rumuri cânopu yua. ¹¹ Muja ya yeparu yu catunu ejaparo jũgoye petoacã ruja mai. Yoaro mee yu tunu ejagu. To bairi caroa muja catũgoõñari wame jetorena to bairona tũgoõña anicõaña. Yu ye quetire tũgoõña janaqueticõaña, caroare Dio manire cu cajoobope manire jooquetiremi írã. ¹² Caroorije Satanã cu carotirijere cabai netoo nucarã caroaro anigarãma. Yu Pacu Dio cu ya wii macana câniparãre na yu cõgu. To bairi tona Dio mena anicõa anigarãma naa, caroaro wariñuuri. Dio ya wii botari tutuari botari ã. Tie wii botarire bairo, tutuarã na câniparore bairo na quenare na yu átigu. To bairi tunu na rupau buire na yu uca tugũ. Itia wame na yu uca tugũ. Yu Pacu ya wamere, cu ya maca wame quenare, yu ya wame quenare, cawama wame quenare yu uca tugũ. Yu Pacu ya maca maca, cawama maca, Jerusalén macare bairo cabairi maca anigaro. Ti maca umrecoopũ cãni maca, Dio manire cu cajoopa maca anigaro ti maca. ¹³ Mujaa Filadelfia macana Espíritu Santo cu cañijere apiri caroaro apijaya muja. Yu yere caneñapo buerãre cu cañijere caroaro apijaya.” To bairona mu i uca joowa, Juan. To macacure Filadelfiapũ cãna yu yere caneñapo buerãre buiori majocure to bairona cu mu queti buio uca joowa, yu cañwí Dio Macu camaja tũpu Dio cu cajooricu.

El mensaje a Laodicea

¹⁴ I yaparou ocõo bairo yu cañwí tunu:

—Juan, apeí quenare cu mu uca joowa. Laodiseapũ cãna yu yere caneñapo buerãre buiori majocure cu mu uca joowa cu quenare. Ocõo bairo cu mu ñwã: “Ocõo bairo ñmi cãa, camajare cariare caqueti buionucũ. Itorique cañquẽcu majuu aniri ocõo bairo ñmi. Ati yepa macaje nipetirijere Dio cu cáti rotiriquere nemoona cáti jeñooricu majuu mujaare queti buiogũ ocõo bairo ñmi: ¹⁵ Muja cáti aniere nipetirijere yu maji. ‘Diore mani apijaquẽna,’ muja ñquẽe. To bairo quenare, ‘Caroaro Diore mani apijacõa anicõato,’ muja ñquẽe. Muja cabooro cõoacã yure muja apijanusu bairã puã. To bairi muja cátipa wame majuu jetore cátiparã muja anibapa. Di wame macare átigarã, yu yere átigaquẽna o yu yere áti ocabutigarã cabaiparã muja anibapa. ¹⁶ To bairi muja cabooro cõoacã jeto yu yere muja caapijaro maca mujaare yu recõagu yua. ¹⁷ To bairo tunu, ‘Pairo caniyerucũna mani ã,’ muja ñnucu. ‘Pairo mani cõgo. To bairi ñe unie mani rujaquẽe,’ muja ñnucu. To bairona apeye uniere muja cõgo paio atí yepa macajere. To bairo apeye unie paio cõgobana quena aperãre caroaro nare muja átinemoquẽe. To bairi nare muja cátinemoborique muja wapa cõgoquẽe. To bairi cabopacarãre bairo majuu mujaare yu tũju yua. Casape manare bairo mujaare yu tũju. Cajuti cõgoquẽnare bairo mujaare yu tũju. ¹⁸ To bairi ocõo bairo mujaare yu ñ: Cañuurije ã yu ye queti buiorique. Oro majuu caajiyarije cawapa pacarijere bairije ã yu ye queti. Oro jeto

to tuaato ĩrã peropu na caroariquere bairona ã yu ye queti, cañuurije majuu. To bairi tiere yu ye queti buioriquere booya mujaa seeto. To bairo tiere boo, tiere caroaro áti yua, paio cacugorã majuu cañuurije majuure cacugorã muja anigarã. Yu maca paio caroa majuure muja yu joogu. To bairi camaja seeto booma jutiire, cajutii manare bairo anigaquena. Camaja caroorije na cátiere na yu camajiriobojaro jutii caroaro cabotirijere cajaanãre bairona ãma. Caroa caugueri maniere bairona baima na yeripu. To bairi caroorije muja cátiere yu camajiriopere seeto booya. To bairo boorã caboquena muja anicõa aninucugarã, caroorije camajirio ecooricarã aniri yua. To bairona caroa tugooñarique ã mujaare yu cabuiorije. Cape ucore bairije ã. Cape uco aperã na capio jãro catuju majiquetana tujã majirãma tunu. To bairi yu cabuiorijere seeto booya mujaa. Tiere boo, to bairo yu cabuiorijere apiuja, caroorije muja cátiere tugooñarique pairi caroorije áti janaña yua. To bairo muja cáto caroaro catiriquere mujaare yu joogu. ¹⁹Ape wame mujaare yu ĩ tunu. Yu yarãre na yu popiyeyenucu, caroaro yure na apiujaato ĩi. Yu camairã nipetirã caroa jetore na cátiparore bairo, to bairona caroaro na yu buionucu. To bairi muja maca yu cabuiorijere apiujari caroorije muja cátiere áti janacõaña. Yu ye queti buiorique macare apiya. Tugooña ocabutiri caroaro tie jetore ája. ²⁰Apiya yu cañijere. Aperã muja ya wiiripu ejarã, ‘iMujã anibapari!’ ĩ jeniñanucuma, muja tũpu jãa ejarã. To bairo na cañ pirijere apirã nare muja pãboja. To bairona muja mena yu cãnicõa anipere boorã, mujaare yu capirijere yure yuya. To bairi jopere pãricarore bairona muja mena yure ani rotiya. To bairo yure muja cãni rotiro muja mena yu anicõagu. Mujaare yu bapa cuticõa anigu yua. ²¹Apeye unie tunu. Muja tu ãcu, yeparu ãcu caroorijere, Satanãre yu cabai netoo nũcawu. To bairo cũre yu cabai netoo nũcaro bero yu Pacu Dio maca cu tu yu carui rotiwĩ, yu mena carotii mu anigu ĩi. To bairona na yu ĩgu yu yarã quenare, caroorije Satanãre cabai netoo nũcarãre. ‘Yu tũri ruiya mujaa yu mena, yure bairo cabairã anigarã muja quena,’ na yu ĩgu caroorijere cabai netoo nũcarãre. ²²Mujaa Laodisea macana Espiritu Santo cu cañijere apiri caroaro apiujaya mujaa. Yu yere caneñapo buerãre cu cañijere caroaro apiujaya. To bairona cu mu uca joowa, Juan. To macacũre Laodiseapu cãna yu yere caneñapo buerãre buiori majocũre to bairona cu mu ĩ queti buio uca joowa yua,” yu caiwĩ Dio Macu camaja tũpu Dio cu cãjoricu.

La adoración en el cielo

4 ¹To bairo cu caĩro bero jõ buipu yu catuju mugojowu. Umuerecoopu yu catuju mugojoro jope pãrica jope cãnopu yu catujuwu. To bairo tujã yua, cabujurijere yu caapiwu. Tutuaro cabujuro putiricarore bairo yu caapiwu. Cãjũgoye yu caapiricarore bairona yu caapiwu tunu. Tiere yu caapiro putiricarore bairo cabujurije anibato quena camajocu cu cawadarore bairo cabãuwu. Ocõo bairo yu cañ wadawĩ:

—Atopu jõ buipu wamu ajã. Mũre yu ĩñoogu. Ati umũrecoo, ati yeparu cabaipere mũre yu ĩñoogu. Mũre yu cañũoopere bairo baigaro, yu caiwĩ tutuaro cawadau.

²To bairo yure cu caĩrona Espiritu Santo majirique yure cu cajooro jõ buipu yu cãaãpu. To bairo aá, topu eja yua, saũpau cu caruicarore yu catujuwu. Caroti majii majuu cu caruĩnucuri paũ caroa paũ majuure yu catujuwu. To macacu topu caruii quenare cu yu catujuwu. ³Cu maca seeto

caaji batewī. Jasje o cornalina na cañirije caroa ñ ta rupaacäre bairo caaji batewī. Topu cu caruiro bui macare betore bairo cabauwu. Tie bue beto esmeralda na cañirije ñ ta rupaacä, caroaro cajumerije ñ ta rupaacäre bairo caajiyawu ti beto maca. ⁴Yu catujuwu tunu apeye ruiriquere. Caaji bate majuu, Dio cu caruicarico tũpũre veinticuatro ruirica yejerire yu catujuwu tunu. Caroti majirä na caruirije cãmu. Cabũcurä carotirä veinticuatro majuu topũre caruiwã. Carupa beto Dio tũpũre carui amojorewã. Jutii cabotirije jetore cajaanãwã. To bairi corona na cañiri betorire, cauparã na rũpoaripu na capejarije uniere oro uniere capejawã yua. ⁵Yu catujuwu tunu cabũpo yaberijere. Dio cu caruiropũ bũpo cayaberije cabutiwu. Seeto cabũjwu. Bũpo quena paio cabũjwĩ cu caruiiri paupũre. Cu caruiro riape jãa bujuriqe siete majuu cãmu. Caroaro caũ batewu. To bairi Dio yarã siete espíritu cãnacãu na cãniere buio majiro bai tie siete jãa bujuriqe. ⁶Yu catujuwu tunu carupa ra capairi rare bairo quenare. Muipu cu caaji re porore bairo caajiyawu ti ra. Dio cu caruiro riaperũ cãmu ti ra. Eñoo pãire bairo caajiya nutuapũ. To bairi yu catujuwu tunu aperãre ricati cabaurã, mani catujũñaquetinucurã unare. Na riape quenare cacapescuna, na jöcu bero quenare cacapescuna nipetiri rupaũna cacapescuti peticõawã. Dio cu caruiro tũpũna cãma na quena. Jicau cu riape cãmi. Apeĩ cu jöcu bero maca cãmi. Apeĩ tunu cu riape nũgoa maca cãmi. Apeĩ tunu cacõ nũgoa maca cãmi. ⁷To bairi cãni jũgoũ cu riya yai jũau riyare bairica cariya jũau cãmi. Cu bero macacu cu riya wecu riyare bairica cariyacũmi. Cu bero macacu tunu caũmu riyare bairica cariyacũmi. Cu bero macacu tunu aã pacu riyare bairica cariyacũmi. Cu querũpũri caũgueowĩ sawũure bairo. ⁸Na querũpũri seis majuu cacũgowã to cãnacãũna. Na querũpũripũre pũga nũgoarũna cacapeari cũma. To bairi mũmreco quenare, ñami quenare Diore cu caĩ wariĩuu bajawã. Janaquẽnana ocõo bairo caĩ wariĩuu bajawã:

iCaroau! iCaroau! iCaroau majuu ãmi mani Ʋpaũ Dio!

Nipetirijere cáti majii ãmi. Cãni jũgoricũ ãmi.

Yucu quenare to bairona anicõami. Ape rũmũpũ quenare ti yeparũ tunu ejaũmi tunu, Diore caĩ wariĩuu bajawã.

⁹⁻¹⁰To bairo Diore ñ wariĩuu bajarã cu caroti majirijere caĩ wariĩuu bajawã. To bairi, “Nipetirã mũre na nũcũbugoato,” caĩ wariĩuu bajawã. To bairi, “Caroaro jãre mũ áa,” caĩ wariĩuu bajawã. Ti paupũ caruiire to cãnacã rũmu cãnicõa aninucũre cu caĩ wariĩuu bajawã. To bairo na caĩro yua, cabũcurã caroti majirã veinticuatro majuu cu tũpũre cãna rũpopatuapũ ejacumuri Diore cáti nũcũbugowã. To bairo átiri na rũpoari buiripũ capejari betorire to cãnacãna tu we jee átiri Dio tũpũ cacũcõawã. To bairo átiri seeto Diore na cáti nũcũbũgorijere cáti iñoowã. ¹¹Ocõo bairo caĩwã Diore ñ nũcũbũgori:

Jã Ʋpaũ, caroaũ majuu mũ ã. iCamaja nipetirã mũre na nũcũbugoato! iMũre na ñ wariĩuu bajaato! “Nipetiropũ caroti majii mũ ã,” mũre na ñato. Ati mũmreco macaje cãno cõo nipetirijere mũ cájupa mũ carotirije jũgori. To bairi nipetirã mũre na nũcũbugoato, caĩwã to macana cabũcurã carotirã veinticuatro majuu cãna Diore yua.

El libro y el Cordero

5 ¹Yu catujuwu tunu jica pũurore. Jica pũuro anibato quena carupa tunua cãni pũuro cãmu. Dio ti paupũ ruiri cu wamo cariape macã nũgoa maca cacũgowĩ ti pũuro tunuarica pũurore. To bairi cabuipũ, capupeapũ quenare ucarique cãmu. Jũgoo biarica tunua cãmu beroa

cosi unie mena. Siete paari majuu jũgoo biarica paari cãmu ti tunuare.

²Yu catũjuwu tunu Dio tu macacu jĩcau ángelre. Catutuaũ majuu cãmi. Awajarique mena ocõo bairo caĩ jeniñajonucuwĩ topũ cãnare:

—¿Namũ caroaũ majuu cu cãno ati pũuro tunuarica pũurore cũre cu pã rotibocuti Dio? ¿Ati pũurore ni ũcũre cu tũga woo ne pã rotibocuti Dio na cajũgoo biariquere? caĩ jeniñajo ami Dio tu macacu ángel.

³To bairo cu caĩbato quena ni majuu camami caroaũ aniri ti pũurore Dio cu capã rotipau. Noo ʘmũrecoopũ Dio tu macana, ati yepapũ cãna quena, cabai yajicoatana quena, di maja majuu camama ti pũurore Dio cu capã rotiborã. Namũ caroaũ majuu camami ti pũuropũ macajere Dio cu catũju rotii. ⁴Dio cu capã rotiquẽna jeto cãma. To bairo capã roti ecooquẽna jeto na cãno tũjũũ seeto yũ caotiũũ. Seeto yũ caotiũũ jĩcaũ ũcu ti pũuropũ na caucariquere capaña tũjũpau cu camano tũjubacu. ⁵To bairo yũ caotiro tũjũũ cabũcũrã carotirã mena macacu jĩcaũ ocõo bairo yũ caĩwĩ:

—iOtiquẽja! iJĩire cu tũjũya! Cũre cu pã rotiboumi Dio, yũ caĩwĩ. — Cũna, León cawamecũcu, Judá ya poa macacũre pã rotiboumi Dio. Cũna David ánacũ pãrami ãmi. Caroorije, Satanáre caneticũ ãmi. To bairi ati pũuro na cajũgoo biariquere catũga woo ne pãpau ãmi. Cu jettore cu pã rotigũmi Dio, caroaũ majuu cu cãno maca. To bairi ati pũuropũ uca turiquere mani buiogũmi, caĩwĩ cabũcu caroti majii.

⁶To bairo cu caĩro yũ catũjuwu tunu waibũcũre. Oveja na caĩi waibũcu macũ, Cordero cawamecũcũre cu yũ catũjuwu. Cu maca na cajiaricu anibacu quena catunu catiricu cabauwĩ. To bairi topũ catũjũnucucõawĩ. Siete majuu cajawaricũmi. Siete majuu cacapecũmi. To bairi cu jawiari, cu cape quena Dio yarã espĩrituare siete majuure majiro bai. Camajare cabauquẽna Dio yarã espĩritua siete majuu na cãniere majiro bai cu capeari, cu jawiari. Dio ati yepa nipetiropũ cu Espĩritua cu cajooricarã na cãniere majiro bai tie cu jawiari, cu capeari. To bairi Dio cu caruio riape cãmi Cordero. Ricati cabaurã bapari cãnacãũ, veinticuatro majuu cabũcũrã carotirã nipetirã na watoapũre cãmi. ⁷To bairi cũna Cordero Dio cu caruio pũ cãaãmi. Topũ aá, eja yua, ti pũuro tunuarica pũurore, Dio cu wamo cariape macã nũgoa maca cãni pũurore canewĩ. ⁸To bairo cu cáto tũjũrã yua, ricati cabaurã naa bapari cãnacãũ majuu rũpopatuaripũ ejacumuri Cordero cáti nũcũbũgowã yua. Cabũcũrã carotirã veinticuatro majuu quena nare bairona ejacumuri cu cáti nũcũbũgowã na quena. Seeto cu cáti nũcũbũgowã. Yũ catũjuwu tunu caajiyari jotũrire oro na caĩrije mena na cáta jotũrire, cabũcũrã camajirã na cãno cõo na cacũgori jotũrire. Ti jotũri cajiracoapũ cajuti ñuurije caũrije mena. Tie caũrije Dio yarã cũre na cajenirijere bairo cabaiwu. Tie caroa cajuti ñuurije Diore na cajoe buje mũgo joorijere bairona cabaiwu Diore caapiũjarã cũre na cajenirije. Yũ catũjuwu tunu bajariquere, harpas cawame cutiere. Cabũcũrã carotirã na cãno cõo tie mena cabajawã. ⁹⁻¹⁰Cawama wamere cabajawã camaja na caapiñaquẽtiere. Ocõo bairo caĩ bajawã:

Camaja na cajiaricu mũ ã. Mure na cajiarique jũgori, mũ caríi peti yajirique jũgori camajare catiriquere na mũ cajoowũ. To cãnacã poa mena macanare, to cãnacã maca macanare jĩcaarã na mũ cacatiowũ. Dio yarã na cãniparore bairo ñi catiriquere na mũ cajoowũ. To bairi uparãre bairo na cãniparore bairo na mũ cátiobjawũ. Ti yepapũre carotirã anigarãma. Sacerdote maja, Diore aperãre cajenibjarã na cãniparore bairo quenare na mũ cátiobjawũ.

To bairo caroaro majuu cátaçu aniri muna ati pũuro tunuarica pũurore mu ne maji. Mu jetore pã rotirique ã, caĩ bajawã to macana cabucurã caroti majirã, veinticuatro majuu cãna.

¹¹ Cabero yu catujuwu tunu. Ángel majare capãarã majuu na yu catujuwu. Dio cu caruiro tũpu bajarã cãma. Ricati cabaurã quena cãma. Cabucurã caroti majirã quena cãma. Na tũpu cabajawã Dio tu macana ángel maja capãarã majuu, capee millones cãna majuu. ¹² Seeto bauja ñuuro cabajawã. Ocõo bairo caĩ bajawã:

Cordero cawamecucu maca nipetirã netoro cañuu majuu ãmi.

Na cajjaricu nipetirã netoro caroti majii ãmi. Cuna ãmi nipetirije Upau cácu. Nipetirijere áti majimi. Catutuan majuu ãmi. To bairi camaja nipetirã cũre na nucubugoato. “Mu jeto caroau mu ã,” cũre na iato. Cũre na i wariñuu bajaato, caĩ bajawã naa ángel maja yua, capãarã majuu capee millones cãna.

¹³ To bairo na caĩ bajaro bero yu caapiwu tunu apeye bajariquere. Camaja capãarã na cabajarijere yu caapiwu. Jõ bui macana quena, ati yepa macana quena, mar capaca yari macana quena, cabai yajiricarã catunu catirã quena nipetirã na caĩ bajarijere yu caapiwu. Ocõo bairo caĩ bajawã:

Dio, Caurau majuu ruiricaropure caruii mu ñuu majuucõa.

Mu Macu Cordero cawamecucu quena ñuu majuucõami.

To bairi camaja nipetirã mure na i wariñuu bajaato. Camaja nipetirã mure na nucubugoato. “Mu jeto mu ñuu majuucõa,” mure na iato. Nipetirã netoro caroti majii mu ã. To bairo mu anicõa aninucugu to cãnacã rumu yua, caĩ bajawã camaja capãarã majuu Diore, Cordero cawamecucu quenare.

¹⁴ To bairo na caĩ bajaro ricati cabaurã bapari cãnacãu majuu ocõo bairo cañucuwã: “Muja caĩ bajarore bairona to ãmaro,” cañucuwã. To bairo na caĩro cabucurã caroti majirã veinticuatro majuu rũropatuaripũ ejacumuri Diore cáti nucubugowã. To cãnacã rumu cãnicõa aninucure seeto cáti nucubugowã yua.

Los siete sellos

6 ¹ Yu catujuwu tunu Cordero cawamecucure. Cu maca ti pũuro tunuarica pũuro na cajũgoo turique siete paũri majuure catũga woo ne jugowĩ. To bairi na cajũgoo turique cãni jugori paure beroa cosi uniere catũga woo newĩ. To bairo tiere cu catũga woo nero bero yua, apeye unie cabujarijere yu caapiwu tunu. Ricati cabaurã mena macacu cãni jugou cu caĩ wadarijere yu caapiwu. Bũpore bairo cabujuwĩ wadau. Ocõo bairo yu caĩ wadawĩ:

—Tujũ atĩñaña, caĩwĩ.

² To bairo cu caĩro yu catujuwu tunu caballo cabotiire. Caballo bui capejan quenare cu yu catujuwu. Cu maca temu betore canewĩ. Uparã na capejari beto uno caajiyari betore capejawĩ aperã cũre na cajoorica beto. To bairi caballo bui capeja aãmi. Cu wapanare caquẽ netou aãcoami. To bairo áti aãcu nare caquẽ neto aãnucuwĩ.

³ Cabero tunu Cordero cawamecucu catũga woo newĩ tunu. Ti pũuro tunuarica pũurore na cajũgoo turiquere cabero macá paure beroa cosi unie mena na cajũgoo turica paure catũga woo newĩ tunu. To bairo cu cáto bero yua, yu caapiwu wadarique tunu. Ricati cabaurã mena macacu apeĩ tunu cu cawadarijere yu caapiwu.

—Tũju atĩñañaja, yũ caĩ wadawĩ.

⁴To bairo cũ caĩro yũ catũjũwũ tunu caballo apeĩ, cajũaure. Caballo bui capejau quenare cũ yũ catũjũwũ. To bairo yũ catũjũro yua, apeĩ to macacũ maca cũ caqueti buiowĩ caballo bui capejau. Ocõo bairo cũ caĩwĩ:

—Ti yepa macana caroaro na caame jũgo átĩ ani wariñuubatiere na átĩ rooye tuuya. Na patowãcooña, caroaro na cãni majiquetiparore bairo. Na caame quẽro, na caame jĩaro na ája, cũ caĩwĩ caballo bui capejau. To bairo cũ ĩ yaparũ cũ cajoowĩ jarerica pãĩ cayoari pãire yua.

⁵Cabero tunu Cordero cawamecũcũ catũga woo newĩ tunu. Ti pũuro tunuarica pũurore pũga paũ bero na cajũgoo turica paũre catũga woo newĩ tunu. To bairo cũ catũga woo nero bero yua, yũ caapiwũ apeĩ cũ cawadarijere tunu. Ricati cabaurã mena macacũ apeĩ tunu cũ caĩrijere yũ caapiwũ.

—Tũju atĩñañaja, yũ caĩwĩ cũ quena.

To bairo cũ caĩro caballo apeĩre cũ yũ catũjũwũ tunu, caĩniire. Caĩni bui capejau quenare cũ yũ catũjũwũ. Cũ maca apeye uniere nũcũoñaricarore canewĩ cũa balansa cawame cutirore. ⁶To bairo cũre tũju, yũ caapiwũ tunu, ricati cabaurã watoapũ apeĩ cũ cawadarijere:

—Trigo, pan na cátipe jĩca kiloacã majuu paio wapacũ. Jĩcaũ jĩca rumu cũ capaa wapataricaro cõo wapacũ, caĩ wadawĩ. —Cebada na caĩrije quena itia kiloacã majuu to cõona wapacũ tie quena, apeye pan na cátipe quena. To bairo camaja na caboarije majuu capee to camanibato quena ũje ã bairo pũa na caaju ũgape. ũje wẽri rica oco caetipe quena ã bairo pũa. To bairo cũ caĩ wadarijere yũ caapiwũ.

⁷Tiere api yua, yũ catũjũwũ tunu Cordero cawamecũcũre. Ti pũuro tunuarica pũuro na cajũgoo turique itia paũ bero na cajũgoo turica paũre catũga woo newĩ tunu. To bairo cũ cáto bero yua, yũ caapiwũ apeĩ cũ cawadarijere tunu. Ricati cabaurã mena macacũ cãni tũjau cũ caĩrijere yũ caapiwũ.

—ĩTũju atĩñañaja! yũ caĩwĩ.

⁸To bairo cũ caĩro yũ catũjũwũ apeĩ caballore tunu, cajũriire. Cajũri bui capejau quenare cũ yũ catũjũwũ. Ocõo bairo cawamecũmi: BAI ROCARIQUE cawamecũmi. Cũ bero caũja aãmi apeĩ. CABAI YAJIRICARã NA CãNOPũ cawamecũcũ cũ bero caũja aãmi. Na maca camaja jĩcaarãre cajĩa majirã cãma. Camaja bapari cãnacãũ cãnare jĩcaũ jetore na cajĩa re rũgo majirã cãmá. To bairo jeto to cãnacãũpũrena na cajĩa recõawã ati yepa nipetiropũ. To bairo átiri camaja na caame jĩaro cãmá. To bairi camaja jĩcaarã jarerica pãiri mena cajĩa ecoowã. Apeřã ñigo mena cariacooama na quena. Apeřã quena riaye jũgori cariacooama na quena. Apeřã camaja yaia macanũcũ macana nare na cajĩa ũgaro cabai yajicoama na quena. Caballo bui capejau, cũ bero caũja aãcũ na cajĩa majirije jũgori to bairona cabai yajicoama yua.

⁹Cabero yũ catũjũwũ tunu Cordero cawamecũcũre. Ti pũuro tunuarica pũuro na cajũgoo turique bapari cãnacã paũ bero na cajũgoo turica paũre catũga woo newĩ tunu. To bairo cũ catũga woo nero yua, camaja cabai yajiricarã na ãnana yeri cacatirãre na yũ catũjũwũ. Cajawo õoro nare yũ catũjũwũ, camaja waibũcũrãre joe buje mũgori Diore cũ na cajeni nũcũbũgori cajawo õoro. Apeřã na cajĩa rericarã cãma. Ati yepapũ na cãno mai camaja maca nare cabooquẽma. Dio yere na caqueti buiorije wapa nare cabooquẽma. To bairi Dio yere na caapiũjagarije wapa na

cajīa recōawā, “Dio yere apiñjaqueticōaña,” İbana. To bairi na ānana yeri cacatirā aniri ti cajawo ěoro cāma. ¹⁰To bairo topu ānaa Diore cu caceniñawā. Naa capāarā cāna jīcaro mena awajabujari caī jeniñawā Diore:

—Jā Ũpau, cañuu majuu mu ā. Cariape caqueti buiou mu ā. Nipetirijere mu āti maji. To bairi jāre cajīaricarāre na tuju majiri na popiyeyeya. ¿Noo cōo to rujati nare mu capopiyeyeparo jugoye? Rooro na cātiere tuju majiri yoaro mee na popiyeyeya, cañwā to cāna Diore yua.

¹¹To bairo na cairo bero jutiire na cajoowī Dio. Jutii cabotirije cayoari wuri na cajañapere na cajoowī. To bairo na joo yua, ocōo bairo na cañwī:

—Ruja mai, na cañwī Dio. —Mujaare bairo cāna āma mai ti yepapu. Yu yere queti buio teñarā āama mai yepa macanare. Nare caapigaquēna maca na jīa regarāma na quenare, yu ye quetire na caqueti buio teñarije wapa. To bairi naa nipetirā na cabai yaji petiro to cōona mujaare cajīaricarāre na yu popiyeyegu yua. To bairi caroaro yuuya mujaa mai, na cañwī Dio ti cajawo ěoro cānare.

¹²Cabero tunu Cordero cawamecucu catū ga woo newī tunu. Ti pūuro tunuarica pūuro na cajugoo turique jīca wamo cōo cānacā pau bero na cajugoo turica paure catū ga woo newī tunu. To bairo ti paure cu catūga woo nero yu catujuwu tunu cayepa wārero. Seeto majuu canacuawu ati yepa. To bairi muipu umureco macacu cañiicoami. Canaitiacoapu yua. Jutiiru cañiiri ajerore bairo cañiicoami muipu. To bairi muipu ñami macacu quena cajūacoami. Riire bairije cabauwī. ¹³To bairi tunu ñocoa quena cawēcoama yepapu. Higuera cawamecutii yucu ricaacā cawērore bairo cawēcoama. Wino seeto capapuro ti yucu ricaacā cawērore bairo cawēcoama ñocoa maca. ¹⁴To bairi umurecoo cayajicoapu. Jica pūuro mani catunua biaro ti pūuro macaje bauquēe. To bairona umurecoo cabauqueticoapu. To bairona ũ ta yucu quena cāno cōo aperopu cāaapu to cānacāwuna. Mar ria capairi ya recomacapu cāni poari yucu poari quena to bairona ape paupuru cāaācoapu ti poari quena. ¹⁵To bairo ati yepa macana nipetirā maca tiere tujurā cauwibujawā. Cauparā, na ěorobuja carotirā quena, polisía maja uparā quena, paio caapeyecuna quena, catutuarā quena, nipetirā cauwibujawā. Capaaborari maja, na majuuna capaarique rotirā quena nipetirā cauwibujawā. Uwibana caruticoama aperopu ũ ta yucuru. Ũ ta yucuru ruti aá, ũ ta totiripu, ũ ta rupaa watoaripu caruti ejanumu peticoama. ¹⁶Seeto uwibana ocōo bairo cañwā:

—Ũ ta yucu, ũ ta rupaa mani buipu cānie ña rui atibato manire to roca pea jīaato, cañwā seeto Diore cu uwibana. —Dio, Caupa majuu ruiricaropu caruii manire popiyeyegumi. Cordero cawamecucu quena to bairona mani átigumi caroorije mani cātie wapa, cañwā cayajioropu carutibatana yua.

¹⁷¡Ay! Ejacoapa cāni tujari rumu, Dio camajare cu capopiyeyeri rumu. Cūre caapiñjaquēna popiye tamogarāma. Jīcau maca nare cu capopiyeyequetiparore bairo Diore cacamota majii macumi. Na popiyeyegumi Dio cūre caapiñjaquēna caroorā nipetirāre yua.

Los señalados de las tribus de Israel

7 ¹Cabero yu catujuwu tunu ángel majare bapari cānacāu majuu. Nipetiropu wino capapurijere caroti majirā cāma. Ati yepa to cānacā ñogorūrena catujunucuwā. Jīcau cāmi muipu cariape cu sawamu atīnucuri paupu. Apeī cāmi cawaruu macapure. Apeī cāmi ape ñogoa

waruu tũ macapũre. Apeĩ cãmi muipu cũ caroca jã aãti jopecuti nũgoapũre. To bairo bapari cãnacã paũri ãnaa winore nipetiropũ capapu rotiquẽma. Ati yepa buire, mar capairi ya buire, macanũcu buĩ quenare nipetiropũ winore capapu rotiquẽma. To bairo na carotiquẽtore bairona capapuruqẽpũ nipetiropũ yua. ²To bairo yũ catujũwũ tunu Dio tũ macacũ ángel apeĩre. Muipu cariape cũ cawamũ atnucuri paũpũ cáacũre cũ yũ catujũwũ. Cũ maca mani Pacũ Dio ya wame uca turica yejere caneamí. Dio cãnicõa aninucũ majuu cũ wame uca turica yejere caneamí, sello na caĩri yejere. To bairo ti yejere neatí yua, aperãre na caĩ pijowĩ. Ángel majare, aperã cuatro majuuere awajari na caĩ pijowĩ. Nipetiropũ wino capapurijere caroti majirã, ati yepa nipetiropũre, mar capairi ya quenare carooye tuu majirãre awajari na caĩ pijowĩ. Ocõo bairo caĩwĩ:

³—Aáquẽja mai. Yuuyã mai, na caĩwĩ. —Ti yepare muja rooye tuuquẽpa mai. Mar capairi ya quenare, macanũcu quenare muja rooye tuuquẽpa mai, na caĩwĩ. —Dio yarã, cũ caboorije cãnare uca turica yeje mena cũ wamere mani ñiga peorã mai. Na riyã pãiropũ mani Upau Dio ya wamere mani ñiga peorã mai, na caĩwĩ ángel cũ mena macanare, bapari cãnacãũ cãnare.

⁴To bairo cũ caĩro, “Jau,” ñrã to bairona cãmá. Dio yarã cũ wamere na cañiga peowã to cãnacãupũrena. To bairi Israel maja poari nipetiro doce poari mena macana, ciento cuarenta y cuatro mil majuu camaja cãma Dio ya wamere uca turica yeje mena na cañiga peoricarã. To bairona yũ caapiwũ. ⁵⁻⁸Doce mil Judá cawamecuti poa macanare na cañiga peowã Dio ya wamere. To bairona tunu doce mil Rubén cawamecuti poa macanare, tunu doce mil Gad cawamecuti poa macanare, tunu doce mil Aser cawamecuti poa macanare, tunu doce mil Neptalí cawamecuti poa macanare, tunu doce mil Manasés cawamecuti poa macanare, tunu doce mil Simeón cawamecuti poa macanare, tunu doce mil Leví cawamecuti poa macanare, tunu doce mil Isacar cawamecuti poa macanare, tunu doce mil Sabulón cawamecuti poa macanare, tunu doce mil José cawamecuti poa macanare, tunu doce mil Benjamín cawamecuti poa macanare Dio ya wamere uca turica yeje mena na cañiga peowã. To bairi nipetirã ciento cuarenta y cuatro mil majuu camajare na cañiga peowã Dio ya wamere na riyã pãiropũre yua.

La multitud vestida de blanco

⁹Cabero yũ catujũwũ tunu camaja capãarãre. Topũna Dio caroti maji majuu cũ caruiro riape catujũnucuwã. Ati yepa to cãnacã poa macana jãcaarã topũna cãma. To bairona cũ Macũ Cordero cawamecũcu cũ catujũjoro riapere catujũnucuwã. Capãarã majuu cãma. Dope bairo cáti cõõna peo majiña mamũ. Jutii cabotirije cayoari wũrire cajaanãwã na quena. Bo ño queri cajeewã. ¹⁰To bairi na paarãacã maca ocõo bairo awajari caĩ wariĩnuu bajawã Diore:

Mani Upau Dio ruiricaropũ caruii cũ camajirije jugori mani cayajibopere manire canetoobojawĩ. Cordero quena to bairona cũ camajirije jugori manire canetoobojawĩ. Popiye caroorã mena mani catamũobopere mani canetoobojawĩ, caĩ wariĩnuu bajawã to macana jutii cabotirije cayoari wũrire cajaanãrã maca.

¹¹Ángel maja nipetirã catujũnucuwã Dio caroti maji majuu cũ caruiro tũpũna. To bairona veinticuatro majuu cabũcũrã carotirã tũpũre catujũnucuwã. Ricati cabaurã bapari cãnacãũ cãna tũpũ quenare catujũnucuwã ángel maja nipetirã. Catujũnucũ amojorewã carupa beto

na tɔpɔre. To bairi to macana cabotirije cayoari wɔrire cajaanā Diore na caī wariñuu bajarijere caapiwā ángel maja nipetirā. To bairo apirā Dio cɔ caruiro tɔpɔre caejacumu mubiawā, Diore áti nɔcɔbɔgorā. ¹²To bairo cɔ áti nɔcɔbɔgori na quena cūre caī wariñuu baja jugowā:

To bairona ñuu majuucōami mani Ɔpaɔ Dio. To bairi camaja nipetirā cūre na ī wariñuu bajaato. “Mɔ jeto cañuu majuu mɔ ā,” cūre na ĩato. Nipetirijere camajii āmi. To bairi camaja nipetirā, “Caroaro jāre mɔ átibojanucu,” cūre na ĩato.

Camaja nipetirā cūre na nɔcɔbɔgoato.

Dio nipetirā netoro caroti majii āmi. Catutuau majuu āmi.

To bairona anicōa aninucugumi mani Ɔpaɔ to cānacā rɔmɔ, caī wariñuu bajawā ángel maja nipetirā yua.

¹³To bairo na caī wariñuu bajaro ocōo bairo yɔ caī jeniñawī cabɔcɔrā carotirā mena macacu jīcaɔ:

—¿Noa na áti i maja, jutii cabotirije cayoari wɔrire cajaanā? ¿Noorɔ cāatána na áti? yɔ caī jeniñawī cabɔcɔ caroti majii.

¹⁴To bairo cɔ caīro:

—Yɔ yɔɔ, yɔ majiquēe. Mɔ maca mɔ majii, cɔ yɔ caīwɔ.

To bairo cɔ yɔ caīro, yɔ caqueti buiowī:

—Na āma mɔ cāni yepaɔ cabai yajiricarā na ānana cayeri catirā. Ti yepaɔ ānaa rooro majuu catamɔowā. Camaja popiye majuu na catamɔori rɔmɔri cānorɔre popiye majuu catamɔowā na quena. To bairo baibana quena caroerijere caapijajuēma. Dio Macɔ Corderore cɔ cáti nɔcɔbɔgo janaquēma. Cɔ cañijere cariape catɔgooñacōa aninucuwā. “Mɔjaare yɔ carí peti yajibojarique jugori mɔjaare yɔ netoogɔ,” cɔ cañijere cariape caapijajacōa aninucuwā. To bairo tiere cariape apiñarā yua, cajā re ecooricarā aniri ato ɔmɔrecoorɔ ejama. Eja, caroerije na cátajere yɔ cacoje rebojarique ĩnoorā jutii cabotirijere jañama, yɔ caī queti buiowī cabɔcɔ carotii. ¹⁵—To bairi yucɔra Dio caroti majii majuu cɔ caruiro riape tɔjɔnucuma. Diore áti nɔcɔbɔgorā áama. Ɔmɔreco quenare, ñami quenare to cānacā rɔmɔ to bairona cɔ áti nɔcɔbɔgonucuma. Dio ya wiipɔre sacerdote maja na cátoire bairona cɔ áti nɔcɔbɔgonucuma, Dio cɔ caboorijere átiri. To bairo na cáto Dio maca caroaro na cotemi. To cānacā rɔmɔ na mena anicōa aninucugumi yua. ¹⁶To bairo nare cɔ cátibojaro di rɔmɔ uno majuu ñigo riaquetigarāma. To bairo quena ñeme jipiquetigarāma. Ape wame quena, muiɔu seeto cɔ caajiro popiye tamɔoquetigarāma. Caroaro majuu jeto anicōa anigarāma Dio tɔpɔre yua. ¹⁷Cordero maca Dio caroti majii majuu cɔ caruiro riape catɔjɔnucuu maca na tɔjɔ cotegumi. Oveja na cairā nuricarā ɔpaɔ caroaro nare cɔ catɔjɔ coterore bairona caroaro na tɔjɔ ɔja cotegumi. Oveja ɔpaɔ cɔ yarāre oco cabutiri ope tɔpɔ na tɔagɔ nare cɔ cajugo aátore bairona caroaro na jugo aágumi Cordero, Dio Macɔ. To bairo na átibojari ñe uniere na caboorije cōona na joogumi Cordero cɔ yarāre. To bairi Dio maca, “Yɔ punaa, otiquēja,” caroaro na ĩgumi. Caroaro na ī, na cape ocore na coje regumi, na ī ocabutiou. To bairi caroaro wariñuu anicōa anigarāma i maja cabotirijere cajaanā yua, yɔ caī queti buiowī cabɔcɔ carotii.

El séptimo sello y el incensario de oro

8 ¹Cabero tunu Cordero cawamecɔcɔ Dio Macɔ catɔga woo newī tunu. Ti pūuro tunuarica pūuro na cajugoo turique seis cānacā paɔ bero beroa cosí unie mena na cajugoo turica paure catɔga woo newī tunu.

Cāni tujari paṁ majuure catūga woo newī. To bairo cū catūga woo nero yua, to ʘmurecoopu cabujubataje cajanacoapṁ. Cawadabatana quena cajanacoama. Jica hora recomaca majuu cawadaquēma. ²To bairi jica hora recomaca bero to cōona yṁ catujuwṁ tunu. Siete majuu ángel maja Dio riape catujunucurāre na yṁ catujuwṁ. To bairo nare yṁ catujuro na cāno cānacāwṁreputiriquere na cajoowī Dio na caputipere. ³To bairo nare cū cajooro bero ángel apeī caejawī tunu. Eja, Diore na cáti nacubugori cajawo, caroa cajuti űuurijere na cajoe buje mugori cajawo riape ejanṁca, topṁ catujunucuwī. Caajiyari bapa, caroaro juti űuurijere cū cajoera bapare canewī. Ti bapare ne yua, paio cajuti űuurijere cacugowī aperā cū na cajoeriquere ti bapapṁ cū cajoepere. ⁴To bairi Diore caapijarā ati yepa macana Diore na cajenitoye cū maca tiere cajoenucwī. To bairo cū cajoero caroaro cajuti űuuwṁ ti cajawopure, caajiyarije oro majuu mena na cáta cajawopure. Dio cū caruiro riape macá cajawo caajiyari cajawopure caroaro cajuti űuuwṁ. To bairi Diore caapijarā Diore na cajenirije Dio tṁpṁ caejaro cū cajoe buje mugorije quena caejawṁ. To bairi ángel caroaro cū cáto Dio maca caapiwī cūre caapijarā na cajenirijere yua. ⁵Cabero cuna ángel ti bapapure cajāwī tunu pero niti caajiyarijere. Ti cajawo bui pero macaje niti jeeri ti bapapure cajee jā jiroocōawī. Jee jā jiroo yaparo ti bapare carocaōa joowī yepapure yua. To bairo cū cáto bupo seeto majuu capawī. To bairona apeye unie quena seeto cabujuwṁ. Bupo cū cayaberije quena cayabewṁ seeto. Ati yepa quena cawārewṁ seeto majuu yua.

Las trompetas

⁶To bairo bai, ángel maja putiriquere cacugorā maca cacugo petitugawā, putigarā yua.

⁷To bairo na cabairo jicaṁ na mena macacṁ caputiwī: “Puuuu,” caputiwī. To cōona yua, cajoerije oco weta rupaacā cawēwṁ ati yepapṁ. Caṁrije quena cawēwṁ. Ríí mena ajuyaro cawēwṁ caṁrije. To bairo wē yua, ati yepa paio caṁ yajicoapṁ. Ati yepa la tercera parte majuu, itia paṁ cānibata paṁ jica paṁ caṁ yajicoapṁ. Macanṁcṁ macaje, yucṁ quena to bairona caṁ yajicoapṁ. Ta cajumerije quena caṁ yajicoapṁ tie quena yua.

⁸Cabero tunu ángel apeī caputiwī tunu, cū bero macacṁ. “Puuuu,” caputiwī. To cōona yua, űtaṁ capairicṁ majuure bairo caṁricṁ cañawṁ. Mar capairi yapure caña roca pacoapṁ, űtaure bairo caṁricṁ. ⁹Capairi yapure to caña roca paro yua, ti ya ríí majuu cajeēñacoapṁ jica paṁ. Pairo, la tercera parte majuu cajeēñacoapṁ ríí. Itia paṁ cānibata paṁ jica paṁ cajūacoapṁ ríí jeeñato oco cānibataje. To bairo cabairije jugori wai capāarā majuu cayajicoama, la tercera parte majuu. Cumuu capaca cumuu quena capee carua yajicoapṁ la tercera parte macaje yua.

¹⁰Cabero tunu ángel apeī caputiwī. Pugarā bero macacṁ majuu caputiwī: “Puuuu,” caputiwī. To cōona ñoco capaii majuu caña amí. ʘmurecoopu cānacṁ caña amí ati yepapure. űa atí yua, caṁ wī. ʘpe tutu jia peo bujurarore bairo paio caṁ wī. To bairi capee yaripure caejawṁ cū caṁrije. Capee paṁri oco cabutiri operipṁ quenare caejawṁ. La tercera partepṁ majuu caejawṁ. Itia paṁ cānibata paṁ jica paṁ caejawṁ caṁrije. ¹¹Cū ñoco caña atácu maca wamecumi “Ajenjo.” To bairi ria capairi yapure cū caña ejaro oco maca ricati baurije cajeēñacoapṁ. Caroa oco cānibataje capiarije cajeēñacoapṁ. Cabero camaja maca tiere etibana cariacoama yua.

¹² Cabero tunu ángel apeĩ caputiwĩ. Itiarã bero macacu majuu caputiwĩ: “Puuuu.” To cõo yua, muipu umureco macacu carooye tuawĩ. Caroaro caaji batequẽmi jica paũ la tercera parte majuu. Muipu ñami macacu quena caroaro cabuju batequẽmi. Noco quena to bairona capãarã caajiya ejoouquẽma la tercera partepure. To bairo bairã yua, ati yeparure caroaro cabuju majiquẽma. To bairi umurecopure bapari cãnacã hora majuu muipu cabujuquẽmi. Ñami quenare bapari cãnacã hora ñocoa cabujurã camama.

¹³ To bairi yũ catujwũ tunu aãre. Jõ buipũ cawũ aãmi. Wũ aã, ocõo bairo caĩ awajawĩ:

—iAyo! iAyo! iAyo! caĩ awajawĩ. —Bopacooro majuu bajcõama ti yepa macana. Popiye majuu tamogarãma. Petoacã ruja mai. Ángel maja cãni tujarã itiarã majuu yucacãre putigarãma. To bairi popiye majuu tamogarãma na caputiro ti yeparũ cãna yua, caĩwĩ aã.

9 ¹⁻² To bairo cũ caĩro bero apeĩ ángel caputiwĩ tunu. Bapari cãnacãũ bero macacu majuu caputiwĩ tunu: “Puuuu,” caputiwĩ. To cõona yua, jicau umurecopũ cãnacũ ñocore bairo cabauũ caña roca cumu ejawĩ ati yeparũ. Ña roca cumu eja, llavere cacugowĩ pãricarore, Dio cũre cũ cajooricarore. To mena ope caũcuari ope majuure capãwĩ. To bairo cũ capãrona to cõona ti operũ paio cabujeri butiwũ. Pero capairi perore bairo cabujecoapũ. To bairo bujeri ti ope macaje muipu umureco macacure cũ cabiawũ bujeri burua. To bairi nipetiropũ canaitãcoapũ tie bujeri jugori. ³ To bairi tie bujeri burua watoapũ cabutiwã diroa. Buti, nipetiropũ cawũ bate peticoa aãma. Camajare catoa majirã cãma naa. Cotapa cũ catoarore bairona capuniwã. ⁴ “Camaja na ye oteriquere muja uga rooye tuuquẽpa,” na caĩwĩ na upaũ. “Ta quenare, yucũ quenare, nipetirije ati yeparũ caputirije quenare muja uga rooye tuuquẽpa,” na caĩwĩ. “Camaja jetore na cawijioro na ája. Camaja nipetirã Dio ya wame uca turica yeje mena na riya pãiropũre cañiga peoya mana jetore na cawijioro na ája,” na caĩwĩ na upaũ. ⁵ “Na jãaquẽja paro. Popiye na catamoparore bairo jeto na muja átigarã,” na caĩwĩ. “Jica wamo cãnacãũ muipua to bairona na ája,” na caĩwĩ. To bairo na cũ caĩ yaparoro yua, camajare na catoa teñawã. To bairo na catoaro cotapa cũ catoarore bairona cawijiwã camaja, seeto. ⁶ Ti yutea cãno camaja maca na caria yajicoapere seeto boobagarãma. To bairo boobana quena ria yaji majiquetigarãma yua.

⁷ To bairi naa diroa maca caballoare bairo cabauwã. Caballoa camaja caame quẽrãre caumarãre bairo cabauwã diroa, come ajeri cajanãrã aniri. To bairi na ruoari buire capejawã carupa betori uniere. Uparã na capejari betori, caajiyari betori uniere bairo cabaurijere capejawã na ruoari pure. Camaja riyarire bairo cariyaricũma. ⁸ Cãromia poa ñapore bairo capoacũma tunu. Yai jũarã opire bairo caopicũma. ⁹ Na cotiare come ajerire bairije jia turicarã cãma. To bairi cawũcoanucuwã. To bairo na cawũ aãnuco seeto cabujwũ na cawũrije. Camaja ame quẽgarã caballoa bui capãarã na caatũ aãtore bairo cabujwũ na cawũrije. Caballoa surara na catũgarica betorire na caatũ tũga puarore bairona cabujwũ diroa na cawũrije maca. ¹⁰ Na picõrori cotapa picõrore bairo capicõrori cũma. To bairi camajare na catoa majiwã. Na upaũ cũ catutuarije jugori catoa majiwã camajare. Jica wamo cãnacãũ muipua majuu to bairona catoa teñarã cãnicõawã yua. ¹¹ Na upaũ cãmi Satanã yere cácu majuu. Cũ maca caũcuari ope macacu cãnibatacu cãmi. Hebreo ye mena Abadón cawamecũmi. Griego ye mena Apoliõn cawamecũmi. “Cãti re majucõaũ” ígaro í cũ wame.

¹²To bairo diroa camajare na na cáti toa teñaro bero to cõona petigaro ati yepa macana popiye na catamõope cãni jugori wame. To bairo tie capetibato quena pũga wame ruja camaja popiye na catamõope tunu.

¹³To bairo bai, ángel apeñ caputiwĩ tunu. Jĩca wamo cãnacãu bero macacu cũ putiricarore caputiwĩ. “Puuuu,” caputiwĩ. Cũ caputiro apeñ cũ cawadaro yũ caapiwũ. Diore áti nucũbugorã caroa cajuti ñuurijere camaja na cajoe buje mũgori cajawo, caajiyari cajawopũ cũ cawadarije cabáuwũ. Dio cũ caruiro riape macã cajawopũ majuu cũ cawadarije cabáuwũ. ¹⁴To bairo ti cajawopũ apeñ cũ caqueti buiro yũ caapiwũ. Ángel caputiricure cũre cũ caqueti buiro yũ caapiwũ:

—Ocõo bairo mũ ápa, cũ caĩ wadarijere yũ caapiwũ ti cajawopũ caĩ wadaure. —Ti ya, capairi ya, Eufrates cawamecuti yapũ aácuja. Topũ aácu yua, mũ bugagũ ángel majare, aperã na cajiaricarã bapari cãnacãu majuure. Na popioya, cũ caĩ wadawĩ ti cajawopũ caĩ wadaũ ángel caputiricure.

¹⁵To bairo cũ caĩro yua, ángel maca to bairona cámi. Eufrates cawamecuti yapũ aperã na cajiaricarãre bapari cãnacãu majuure na capopiwĩ. To bairo cũ cáto caatucua aáma. Camajare na jĩagarã caatucua aáma. Camajare na cajĩapa paũ majuure nare yuu rotii mai nare cajia cũ rotiyupũ Dio. To bairi ti paũ majuu, ti cũma, ti rũmũ, ti paũ majuu cayuuricarãre na capopiwĩ. To bairo na cũ capopioo camajare jĩagarã caatũ aáma. To bairi camajare na cajĩa recõawã ati yepa macana capãarãre la tercera parte majuu tunu. ¹⁶To bairi surara maja capãarã majuu nare yũ catũjwũ. “Doscientos millones majuu surara ãma aperã mena caame quẽparã, caballoa bui capeja aána,” na caĩrijere yũ caqueti apijowũ yua.

¹⁷⁻¹⁸To bairi caballoa bui capejarã na cotiaripure come ajeri cajũarijere jañawã jĩcaarã. Aperã cajumerijere cajanawã. Aperã cajuririjere cajanawã. Na caballoa maca yai jũaũ ruõoare bairo caruõoari cũma. Na rijeroripũ bujeri cabutiwũ seeto. Pero mena, asufre cawamecutie roorije cajutirije mena ajuyaro cabuje butiwũ. To bairo cabairã aniri capãarã camajare na cajĩa recõawã. Caballoa na rijerori macaje mena na cajĩa recõawã.

¹⁹To bairi na rijerori macaje cauwiobujawũ. Na picõrori quena seeto cauwiobujawũ. Aña ruõoarire bairo cabauwũ na picõrori. Tie mena camajare na cáti rooye tuuwã yua.

²⁰To bairo camajare rooro na cátibato quena camaja carũjarã maca catũgoõñaquẽma. “Caroorije mani átibapa. Caroorije jã cátiere majiriobojaya,” caĩ jenuquẽma Diore. Caroorije na cátiere catũgoõñarique paiquẽma. To bairo caroorije na cátoire bairona rooro majuu cáticõa aninucuwã. Wãtiarena cajeninucuwã. Na cawericarã quenare na cajeninucuwã. Oro cawamecutie, plata cawamecutie, bronce cawamecutie caajiyarije mena na majuuna na cawericarã maca, ùta mena, yucũ mena na cawericarã unare cajeninucuwã. Na cawericarã maca catũju majiquẽma. Caapi majiquẽma. Cãaáateña majiquẽma. To bairona cáti majiquẽna na cãnibato quena na cajeninucuwã, Diore jenuquẽnana. ²¹To bairona camaja na caame jĩarijere cajanagaquẽma. Cumu ãnaje na cáti anie quenare cajanagaquẽma. Rooro na cáti eperije cutie quenare cajanagaquẽma. Aperã yere na cajee rutirije quenare cajanagaquẽma. To bairo jeto cáticõa aniganucuwã. Na maca, “Caroorije jã átibapa. Caroorije jã cátie jã majiriobojaya,” caĩ jenuquẽma Diore. Caroorije na cátiere catũgoõñarique paiquẽma camaja carũjarã yua.

El ángel con el librito

10 ¹ Cabero yu catujuwu tunu ángel apeïre, catutuau majuure. Ëmurecooru carui acüre cu yu catujujowu. Oco bujeri watoapu carui amí. Cu rüpa buire bue betore bairo cabauwu. To bairona cu riya quena cabuju batewu. Muipu umureco macacure bairona cabuju batewu. Cu rapori quena caï buju batewu. Pairi pero caï mugori perore bairo caï buju batewu. ² Cu wamopure papera püuroacã pärica püuroacã cacugowí. Jíca püurona anibato quena carupa tunua püuro cãmu ti püuro. To bairi cuna, ángel ati yeparure carui ejanucawí. Rui ejanuca yua, cu rüpa cariape macá nugo maca mar capairi yapu catujunucuwí. Ape nugo macá rüpa maca ati yeparu catujunucuwí. ³ To bairo tujunucuu yua, cu cawadarije tutuaro cawada batejowí. Yai júau cu caawajarije cõo cawada batejowí. To bairo cu cawadaro bupa siete majuu cu cayuwã. ⁴ Tie na cawadarijere yu cauca tugabapu. To bairo tiere yu cauca tugari pañ majuu yua, “Mu uca tuquëpa tiere,” umurecoo macacu cu caïrijere yu caapiwu. “Bupa siete majuu na caï wadarijere mu uca tuquëpa. Tiere camajare na queti buiogaquëemi Dio mai,” cu caïrijere yu caapiwu. To bairo cu caïro yu cauca tuquëpa na caï wadarijere.

⁵ To bairo uca tuquëcu yua, yu catujuwu tunu ángel majocure mar capairi yapu, ati yeparu catujunucure. Cu wamo cariape macá nugoare cañu mugo tujunucuwí umurecooru. ⁶⁻⁷ To bairo ñu mugo tujunucuri ocõo bairo caï wadawí:

—Mu, Dio, to bairona cãnicõa aninucuu mu ã. Ati umurecoore mu cãpú. Ati yepa quenare to bairona mu cãpú. Mar capairi ya quenare to bairona mu cãpú. Nipetiropu cãniere mu cãpú. Caroti majii majuu mu ã. To bairo mu caïricarore bairo baigaro yucura. Tirumupu macana mu ye quetie cabuitoricã na mu caïricarore bairo baigaro yucura yua. Ati umurecoo petigaro. Ape umurecoo mu wajoagu tunu. Yucura rüjaquëe. Ángel putiricarore caputi tujau cu caputiro to cõona peticoagaro ati umurecoo yua, caïwí ángel cu wamore cañu mugo tujunucuu maca.

⁸ To bairo cu caïro bero yu caapiwu tunu. Ëmurecoo macacu yure cu caïrijere yu caapiwu tunu:

—Aácsuja ángel tupa. Mar capairi yapu, ti yeparu catujunucuu tupa aácsuja. Cu tupa aá, cu wamopu cu cacugori püuro pärica püurore nejja, jõ buipu yu caïjowí.

⁹ To bairo cu caïro yu cáapü ángel tupa. “Ti püuroacãre yu jooya,” cu yu caïwu. To bairo yu caïro:

—Ë ju, ne átiri ugaya, caïwí. —To bairo ati püurore mu caugaro ipijitigaro. Beroa ocore bairo ipijitigaro. Mu rijero maca ipijitibato quena mu paropu piya eja jañagaro, yu caïwí ángel maca.

¹⁰ To bairo cu caïro cu cacugori püuroacãre neri yu caugawu. To bairo uga yua, ángel cu caïrore bairona yu cabaiwu. Yu rijeropu beroa ocore bairona caipijitiwu. Yu rijeropu ipijitibato quena yu paropu maca seeto capiya eja jañawu. ¹¹ To bairo ti püurore yu cauga yaparoro yu caï queti buiowí:

—Ti yepa macana nipetirãre na mu caqueti buiuro yu boo. To cãnacã maca macanare, to cãnacã poa macana quenare na mu queti buiogü. Na uparã quenare to bairona na mu queti buiogü. Mu catujurijere, ati yepa macana nipetirã na cabai tujapere na mu queti buiogü. To bairo mu caqueti buiuro yu boo, yu caïwí ángel maca.

Los dos testigos

11 ¹ Cabero yu cajoowí ángel tuericure bairo cānii, cōoñaricure. To bairo tiire yu joo:

—Ë jü, atii cōoñaricu, yu caiwī. —Dio ya wiire cōoñauja. ¿Noo cōo pairi wii to áti? Ti wiipü Diore áti nucubugorá cajuti ñuurijere na cajoe buje mugori cajawo quena, ¿noo cōo pairi cajawo to áti? ïi cōoñauja, yu caiwī. —To macana Diore cajeni nucubugorá quena, ¿noo cōo majuu na áti? ïi na mü cōoñawa, yu caiwī. ²—Dio wii macá yepare mü cōoñaquëpa. Tona anigarāma aperā ape yepari macana Diore cáti nucubugoquëna mai. Nana ti macare Dio cü camairi maca áti rooye tuugarāma. Ti maca macana quenare to bairona rooro na átigarāma. Cuarenta y dos cānacāu muipua majuu to bairona rooro na átigarāma, yu caiwī. ³—To bairo na cáto na yu joogu yu yarā pugarāre, yu yere caqueti buiobojarāre. Yu camajorije jugori caroaro queti buiogarāma. Mil doscientos sesenta rumuri majuu yu yere to bairona queti buiogarāma. Na jutii, catugooñarique pairā na cajanarije uniere bairo jañagarāma umarica poari macaje. Wajiaro na cajuariquere jañagarāma, catugooñarique pairā na cajanarije uniere. To bairi na yu queti buio rotigu, yu caiwī ángel yua.

⁴To bairi pugau Olivo yucu āmü Dio riape, ati yepa macana Upau riape. Jia bujurique capejari tutuu quena āmü pugá tutuu cü riape. Dio ye quetire cü caqueti buiobojarā iñoo majoro bai ti tutuu. To bairona nare iñoo majoro bai Olivo yucu pugau.

⁵To bairi catutuarā anigarāma Dio ye quetire cabuiobojarā na pugarā. Camaja maca rooro na áti majiquetigarāma. Rooro nare na cátingaro tujurā na jia recōagarāma. Pero na rijero cabutirije mena na jia recōagarāma rooro nare cátingarē. To bairona na joe recōagarāma na wapanare Dio ye quetire cabuiorā. ⁶To bairi caoco ocaquëto áti majigarāma. To bairi ati yepapü na caqueti buio āno ocaquetigaro na caoca rotiquëto maca. To bairi ocore wajoa majigarāma. Ocore ríí majuu jeñoo majigarāma. To bairona átiri camaja popiye na catamuro na áti majigarāma. Riaye na joo majigarāma. Noo na caboori pau cāno to bairo na áti majigarāma Dio cü carotirije jugori yua. ⁷To bairo camajare na caqueti buio yaparoro apeí buti wamü ejagümi caücuari operü cajanaricu. Cauwioñ majuu ti opere buti wamü ejagümi yua. To bairo buti wamü eja, Dio ye queti cabuiobojarā pugarā mena ame quëgümi. Na mena ame quë, to cōona cauwioñ maca na jia recōagümi. ⁸To bairo na cü cajjaro bero na rupauri ānaje ma recomacapü cuñagaro. Capairi maca Jerusalëpü mani Upau Jesure cü na cajjarica macapü cuñagarāma. Ti maca, “Sodoma ā,” ïma camaja. Sodoma macana cāniñaricā cōona caroorije átinucuma Jerusalén macana irā ïma. Aperā, “Ejipto ā ti maca,” ïma, to bairona caroorije átinucuma irā. To bairi ti macapü ma recomacapü cuñagaro na rupauri ānaje, pugarā Dio ye quetire cabuio teñarā cānibatana.

⁹Yoabujaro topüna cuñagaro, itia rumu ape rumu recomaca majuu. To bairi camaja to cānacā maca macana na rupauri ānajere tujugarāma. To cānacā poa macana na tujugarāma topü cacuñarē. Na rupauri ānajere yaa rotiquetigarāma camaja. ¹⁰Dio ye quetire cabuiobojarā na pugarā na cabai yajiro tujurā seeto wariñuugarāma ati yepa macana. “Seeto manire capatowācooricarā mere riacoa yaji aáma,” ïgarāma. To bairo ï, wapa mano ame nunigarāma apeye uniere, seeto wariñuurā yua. ¹¹To bairo

Dio ye quetire cū cabuiobojarā na cabai yajiro na cawariñuubato quena itia rumu bero, ape rumu recomacana tunu caticoagarāma yua. Dio cū camajirije jūgori tunu caticoagarāma. Tunu catí, tujñucugarāma, catunu catiricarā yua. To bairo camaja maca na catunu catiro tujurā, seeto na uwigarāma. ¹² Cabero umurecoo macacu na wada ruiojogumi. Catunu catiricarā pugarare na wada ruiojogumi paio wadarique mena:

—iAduja yu tupa! iWamu ajá! na igumi.

To bairo cū caíro apirā umurecoopu bujeri burari watoapu wamu aácoagarāma yua. Na wapana na catuju mugo tujñucuro to bairona wamu aácoagarāma umurecoopu. ¹³ To bairo na cááato bero ti pañ majuu ati yepa seeto wāregaro tunu. To bairo cawārero ti maca macaje wiiri ñacoagaro jica wiiri. Un décimo majuu ñacoagaro. To bairo cabairo siete mil majuu camaja riacoagarāma ati yepa cawārerije mena. Carujarā maca seeto uwigarāma. “iAyu! iDio jeto āmi caroti majii!” ĩgarāma yua.

¹⁴ Maa yua, to cōona ā camaja popiye na catamuope diroa bero macaje puga wame. To bairi camaja popiye na cabainemope ape wame ruja tunu. iAyu! Tie quena yoaro mee baigaro yua.

La séptima trompeta

¹⁵ Cabero yua, ángel apeí caputiwī tunu. Seis bero macacu cāni tujau majuu cū putiricare caputiwī: “iPuuuu!” caputiwī. To cōona yua, umurecoo macana cawadawā. Tutuaro cawadawā:

Ti yepa macana cauparā na caroti majirije to cōona peticoapa.

Yucura yua, maní Ūpaú Dio jeto roti majimi cū Macu, camaja tupa cū cajooricu mena. Cū jeto roti majimi.

To bairona roticōa aninucugumi to cānacā rumu, caí bajawā.

¹⁶ To bairo na caí bajaro apirā, cabucurā carotirā veinticuatro majuu Dio tupa reopatuaripe ejacumu mubiari Diore cáti nucubugowā. Naa cū caruiro riape carui atāna to bairona Diore cáti nucubugowā. ¹⁷ To bairo cū ĩ nucubugorā ocōo bairo caíwā:

Jā Ūpaú, nipetirāre caroti majii mu ā. Nipetirijere mu áti maji. Cāni jūgoricu mu ā. Yucu quena to bairona mu anicōa aninucu. Yucura yua, mu caroti majirije mena camajare carotii mu cānitugayupa mere. To bairi, “Caroaro jare mu átiboja,” mure jā ĩnucu.

¹⁸ Ti yepa macana to cānacā poa macana mure cabooquēma.

Mure punijiniri mure cabai netoo nucagabama. To bairo mure na cabooquetaje wapa to cōona na mu popiyeyegu. Yucura yua ejacoapa nare mu catuju bejeri rumu majuu. Cabai yajiricare na mu catuju bejeri pañ majuu ejacoapa. To bairi caroorije cána maca popiye tamuogarāma. Mu carotirijere cáticōa āna maca wariñuurique bugagarāma. Mu ye quetire caqueti buiorā, mu ye quetire caapijarā quena, nipetirā mure cáti nucubugorā maca wariñuugarāma. Caroare na mu joogu. Ūparā quena, cawatoa cána quena nipetirā mure cáti nucubugorāre na mu joogu caroare. Camaja ti yepapure carooye tuu pairā macare na mu recōagu, caí buiowā cabucurā caroti majirā, Diore ĩ nucubugori.

¹⁹ To bairo na caíro bero yu catujwū tunu Dio wiire, umurecoopu cāni wiire. To bairo yu catujuro ti wii jope capā nucacoapu. To bairo to capā nucaro ti wii macá pata rocapatare yu catujwū. Ti patapu cajaanawu Dio ye queti, “Caroorije na cátiere na yu netoobojagu,” cū caí ucarique.

To bairo yu catujuro yua, buro cayabe jugó ami. Seeto cabujuwu. Buroa quena seeto cabujuwā. Ati yepa quena sawārewu tunu. To bairi cajori rupa oco weta rupaari sawēwu seeto ati yeparure yua.

La mujer y el dragón

12 ¹ Cabero yu catuju mugojowu tunu umrecoopure. Yu catuju mugojoro cāromio cabuianca ejawō. Seeto cabuju batewō. Muipu umreco macasupure cajaanore bairona cabuju batewō. To bairona muipu űami macacu buire catujunucuoire bairo cabauwō. Co ruo buire capejawō caajiyari beto sawpa cu ruoapu cu capejari beto unore. Co capejari betopure űocoa doce majuu cāma. ² To bairi űtaa cāmo. Petoacā carujawu co macacu cutiparo. To bairi co macu cu cabuiaparo jugoye seeto caawajawō, wijiobaco. ³ To bairo co catamori pauna umrecoopu apeī cabuia ejawī tunu. Dragón sawamesucu majuu cabuia ejawī. Cajūan capai majuu cāmi. Siete majuu caruoiricumi. Diez majuu cajawiaricumi. To cānacā ruoapurena caajiyari betori cāmu, sawparā na capejarije unie. ⁴ To bairi cu picōro mena űocoare cañu wāre űoo joowī. Capāarāre na cañu wāre űoo joowī la tercera parte majuure ati yeparure yua. Na űu wāre űoo joo yaparo cāromio co cāno riaperu catujunucuwī. Co Macu cabuiapure co ema ugagu cayuu tujunucuwī. ⁵ To bairi co Macu cabuiawī yua. Cu maca to cānacā maca macanare carotipa cāmi. Tutuaro mena na carotipa majuu cāmi. To bairo co Macuacā cu cabuiaro tujuu yua, dragón maca cu sawga rocacōagabami. To bairo cu sawga rocagari pauna Dio maca caroti majuu cu caruiro tu pu co Macuacāre cu cane mugō weocoa joowī umrecoopu. ⁶ Cu paco maca caruticoamo camaja na camanopu. Dio cōre cu caquenoobojarica sawpu caruticoamo. Topu co caejaro caroaro cōre cacotewī Dio. Mil doscientos sesenta rumuri majuu co cacotewī topure. ⁷ Cabero yu catujuwu tunu umrecoopu aperā na caame quēro. Topu jīca mugoa Miguel cu mena macana ángel maja, cañuurā mena cāmi. Ape mugoa maca dragón cu mena macana, cu tu macana cañuuquēna mena cāmi. Na nipetirā caame quēwā. ⁸ To bairo ame quē yua, Miguel jāa cañuuquēnare na quē netowā. Na quē neto, cañuuquēnare umrecoopure na cāni rotiquēma. ⁹ To bairi Dragōre ati yeparure cu capa ne roca ruio joowā. Diablo wātia wpa o Satanā sawamesucu āmi. Ati yepa macana nipetirāre caito paii majuu āmi. Cu mena macana, cañuuquēnare wātia quenare to bairona na capa jee re ruio joowā na quenare Miguel jāa, umrecoopu cānibatanare na quē netori.

¹⁰ To bairo nare na carero bero umrecoopu sawadarijere yu caapiwu. Seeto majuu sawadawā umrecoo macana:

—Mere yua, wātia wpaure pa ne roca ruio joowā. Mani yarā Diore canucubgorā ti yepa macanare Diopure cawada paii majuure pa ne roca ruio joowā mere. Diopure, “Rooro áama mu yarā,” to cānacā rumu, umreco quenare, űami quenare caī wada painucure pa ne roca ruio cōa joowā yua. Dio maca Satanāre cu netocōawī. Caroti majii aniri cu netocōawī. To bairi Dio cu carotiri pa mere anituga. Cu Macu quena cu cajooricu nipetirijere rotigumi yua. ¹¹ To bairi mani yarā ti yepa macana Diore canucubgorā Satanāre cu cabai netoo nucasōawā. Popiye baibana quena Satanā cu sawadajārijere cabai netoo nucasōawā. Caroare caapijarā aniri to bairona cabaiwā. “Jesucristo, Cordero sawamesucu manire cu carí peti yajibojarique jugori mani canetoo catiowī,”

caĩ tũgoõñacõawã. To bairona Dio yere caqueti buiocõawã. Aperã nare na cajiagarije to cãnibato quena to bairona Dio yere caqueti buiocõa aninucuwã. ¹²To bairi mania umurecoo macana mani wariñuugarã. Nipetirã ángel maja mani wariñuugarã wãtia upau cũ re na carocarõ tũjuri. To bairona mani maca caroaro mani cãni wariñuuri paure ti yepa macana maca popiye tamũogaráma. Mar capairi ya macana quena to bairona popiye tamũogaráma na quena. Wãtia upau Sataná umurecooru caroca ecooricu maca rooro na átigumi ti yepa macanare. Seeto punijinimi, rogoru yure na carocarõ jugoye petoacã ruja ñi. To bairona yu caapiwu umurecooru cawadarijere yua.

¹³To bairi Sataná yepaure caroca ecooricu aniri cãromiore co caatu ɸjawĩ. Mere camacu cutacore co jĩa rocaɸu co caatu ɸjawĩ. ¹⁴To bairo cu cáto Dio maca cõre cacamotabojawĩ. Aá capaii cu querupurire co cajoowĩ, pinore baii Satanáre cũ re co wu ruti aáparo ñi. Camaja na camanoru co caruti aáparore bairo ñi querupurire co cajoowĩ. Toru itia cuma ape cuma recomaca cõre cacotewĩ Dio. ¹⁵Co cawu ruti aáta pauru co cãno pinore bairo cãcu maca oco paio cu rijerõpũre cabuti aáto cámi, cõre ruu rocaɸu. To bairi cu rijerõpũre oco paio cabutiwu, ria cõo. Cõre ne ruu aá rocaɸu to bairo cámi pinore baii maca. ¹⁶To bairo cu cáto Dio maca co cátinemowĩ tunu. Co átinemo, pairi ope yepa cawati nucaro cámi Dio. To bairi ria capairi ya dragón cu rijerõpũ cabutirique ti opepu cajãa peticoaru oco yua. ¹⁷To bairo cabairo dragón maca seeto co capunijiniwĩ, co jĩa majiquetibacu. Punijini, aperã co punaa mena ame quẽgu cááacoami. Dio cu carotiriquere caapijarã mena, Jesucristo ye quetire caroaro cariape caapijacõa aninucurã mena ame quẽgu cááacoami yua.

Los dos monstruos

13 ¹Cabero mar capairi ya petaru yu caejawu paputiropu. Toru eja, yu catujujowu tunu carujugoure. Riapu cãnacu cu capamuro yu catujujowu mar macacu monstruo cawamecũre. Cu maca siete ruõpari majuu cacugowĩ. Diez majuu cajawiaricũcu cámi. To cãnacã jawiaprena caajiyari beto capejawu, cauparã na capejarije unie. To bairi to cãnacã ruõparipuna riya pãiropũre uca turiqũ cãmu. Caroorã na cawamecutie uca turiqũ cãmu. ²To bairi yaire bairo cabauwĩ monstruo, yu catujuricu maca. Cu ruõpori maca buco macanucu macacu capaii ruõporie bairije caruõporicũmi. Cu rijero yai jũau rijerore bairo carijerocũmi. To bairi dragón maca cu cajoowĩ monstruore cu ye macaje cu cáti majirije majuure. Cu carotiri paũ quenare, paio cu caroti majipe quenare cu cajoowĩ dragón monstruore. To bairo cu cajooro seeto caroti majiwĩ monstruo. ³Cu ruõpari siete ruõpari watoare jĩa ruõpa cacamirocũmi. Na cajãaricure bairo cabauwu jica ruõpa. To bairo cu cabaibato quena cu camiro pairi camiro cayaticoajupa. To bairi cacatiwĩ. To bairi camaja nipetirã cu catuju acũacoama. Cu tũju acuari seeto cu caĩ buiorijere caapigawã. ⁴To bairi dragón cawamecũre cu cáti nucubugowã. “Monstruo dragón roti majiriquere cu quenare joomi,” ñrã dragõre cu cáti nucubugowã camaja. Monstruo quenare cu cáti nucubugowã. Camaja maca:

—Ni ñcu cũre bairo camajii mácumĩ. Ni ñcu cũre caquẽ netou mácumĩ. To bairi cũre caapijarã mani ñ, caĩwã camaja nipetirã monstruore yua.

⁵⁻⁶To bairi ati yepa macanare na caroti majiwĩ monstruo maca. Cuarenta y dos cãnacãu muipua majuu rooro cu cátajere camataquẽmi Dio mai.

To bairi caroorije majuure caĩ wadawĩ. “Ati yepa macana, ati ɯnɯrecoo macana quena nipetirã netoro camajii yu ǎ,” caĩwĩ. To bairona, “Dio ɯnɯrecooru cãcu quena, cu tu macana quena nipetirã netoro caroti majii yu ǎ,” caĩwĩ. ⁷Apeye tunu, camajare na caquẽwĩ Diore caapijaraãre. Nare quẽ, na caquẽ netowĩ. Dragón cawamecucu maca to bairo cu cáti roti joowĩ. To bairi camaja to cãnacã maca macanare, to cãnacã poa macanare na caroti majiwĩ yua. Rooro cu cátiere camataquẽmi Dio mai. ⁸To bairi nipetirã ati yepa macana cu cáti nɯcubugowã cũre, monstuore. Jĩcaarã cu cáti nɯcubugoquẽma paro. Aperã na cajĩaricu, “Cordero” cawamecucu yarã cũre cáti nɯcubugoquẽma. Ati ɯnɯrecoo cãniparo jũgoye Cordero cu ya pũuropu cu yarã cãno cõo na wamerire cu cauca turicarã cu cáti nɯcubugoquẽma monstuore. Na jeto cu cáti nɯcubugoquẽma.

⁹Atie yu caucariquere buerã yu caĩ queti buiorijere caroaro apiujaya. ¹⁰Noa presoru aperãre na cajoorã na quena topuna joo ecoogarãma rooro aperãre na cáti jũgorique wapa. To bairona camajare cajĩarã na quena jĩa ecoogarãma to bairo na cajĩarije wapa. Dio to bairona popiye na catamoro na átigumi rooro cãnare. To bairi yu yarã, yu caĩ queti buiorijere tũgooñaña. Tiere tũgooñari, tũgooñarique paiqueticõaña. Rooro popiye mija catamuorije to cãnibato quena nũcaña. Tũgooñaquẽja. Jesucristore cu apiujacõa aninucuña. Mijaare rooro cãnare na popiyeyegumi Dio.

¹¹Cabero yu catujwũ tunu monstruo apeĩre. Cu maca ati yepa pupearu cãnacũ cabuti ejawĩ. To bairi cu quena cajawiaricumĩ. Puga jawiari, oveja macũ jawiarire bairije cajawiaricumĩ. To bairi dragõre bairo cawadawĩ.

¹²To bairi monstruo mar capairi yapũ cãnacũ capamũ ejaricu camajare cu caroti majirijere bairo carotiwĩ yepa pupearu cabutiricu quena. Riapũ cabutiricu mena ǎcu to bairo cu carotiwĩ cu quena. To bairi camaja nipetirã ati yepa macanare na cãncubũgo rotiwĩ monstruo, cãni jũgoure. Monstruo riapũ capamũ ejaricure, cariacoboricu cacati majuure na cáti nɯcubũgo rotiwĩ yepa pupearu cãnacũ cabuti ejaricu maca. ¹³Apeye uniere capee cáti iñoowĩ, camaja na tujũ acuáto ïi. To bairi, “Pero ɯnɯrecoo macaje to wẽato ati yepapũre,” caĩwĩ. To bairo cu caĩro, cu caĩricarore bairona cabaiwu. Pero cawẽwu yua. ¹⁴To bairije áti iñoori nipetirã ati yepa macanare na caĩtowĩ. Monstruo cãni jũgoricu ria macacu cu camajiorije jũgori to bairo na cáti iñoowĩ. To bairo na áti iñoõ, ïtori yua, “Monstruo capairi ya macacũre cu apiujaya,” na caĩwĩ camajare. “Jarerica pãĩ mena capa ta ecooricure catunu catiire cu apiujaya,” na caĩwĩ. “Cũre bairo cabauure weya. Cu weri cu quenare cu nɯcubũgoya,” na caĩ buiowĩ. To bairo cu caĩro cũre baiina cu cawewã. ¹⁵To bairo cũre na cawe yaparoro monstruo yepa pupearu cabutiricu maca na cawericure catiriquere, wada majiriquere cu cajoowĩ. To bairo rooro cu cátibato quena cu camataquẽmi Dio mai. To bairi na cawericurena cu na cajeni nɯcubũgo rotiwĩ monstruo. Wericure cajeni nɯcubũgoquẽnare cu yarã polisĩare na cajĩa re roticõawĩ yua. ¹⁶To bairi monstruo riapũ capamũ ejaricu ya wamere cauca tu rotiwĩ cu bero macacu maca camajare. Camaja nipetirã na wamo cariape macã nũgoare o na riya pãĩropũre cu wamere cauca tu rotiwĩ. Cawimarã quenare, cabucurã quenare, caniyeru pairã quenare, cabopacoorã quenare, paa coteri maja quenare, na ɯparã quenare, nipetirãre to bairo jeto na cauca tu rotiwĩ. ¹⁷To bairo ria macacu ya wamere na wamorire o na riya pãĩrorire na cauca tu rotiquẽpata na caboorije uniere na cawapaye rotiquẽmi. Monstruo capairi

ya macacũ cũ wame o cũ número camanicõaata na caboorije uniere cawapaye majiquẽma. To bairona niyerure na cawapataboqe quenare cajoo rotiquẽmi. ¹⁸Caroaro tũgoõñaña. Monstruo capairi ya macacũ cũ ya númerore mujaare yũ queti buiopa: Seiscientos sesenta y seis ã cũ ya número. Ti número cũ ya wame igaro ï. To bairi noa caroaro catũgoõña majirã ti númerore tũgoõñari caroaro cũ ya wamere na tũgoõña majiatio.

El canto de los 144,000

14 ¹Cabero yũ catũjujowũ tunu Cordero cawamecũcũre. Cũ maca Siõn cawamecuti buuro buipũre catũjũnucuwĩ. Cũ mena macanare, camaja capãarãre yũ catũjuwũ na quenare. Ciento cuarenta y cuatro mil majuu cãma camaja. To bairi na riya pãiropũre uca turique cabauwũ. Cordero ya wame, cũ Pacũ ya wame quena cabauwũ na riya pãirori buire. ²To bairo na catũjũnucuro yũ caapiwũ tunu wadariquere. Pairo cawadarijere umurecoo macajere yũ caapiwũ. Pairi poerore bairo cabauwũ umurecoopũ. Pairo buro cũ caparo cõo majuu cabũjuwũ. To bairi camaja na cabajarijere bairo cabũjuwũ. Harpa na caĩrijere capãarã na cabũga pũtẽ bajarore bairona cabũjuwũ. ³To bairi ti buuropũ catũjũnucurã paarãacã cabajawã bajarique cawama wamere. Dio caroti majuu cũ caruĩro riape cabaja tũjũnucuwã. Ricati cabaurã bapari cãnacãũ majuu riape tunu, aperã cabũcurã carotirã veinticuatro majuu riape cabaja tũjũnucuwã caroaro. Aperã maca na cabajari wamere caroaro caapi peo majiquẽma. Ciento cuarenta y cuatro mil cãnacãũ majuu ti buuro buipũ catũjũnucurã jeto na majuuna na cabajari wamere caapi peo majiwã. Ati yepapũ cãnana Dio cũ cajee aãtana jeto ti wamere caapi peo majiwã, cũ canetooricarã jeto. ⁴Na roque ati yepa macana rooro na cãti uniere cãtiquẽjuparã. Ati eperique uniere caroorijere cabooquẽjuparã naa. Cañuurã majuu cañuparã. Cordero cawamecũcũ cũ cãtore bairo caroare cãjuparã. Caroaro cũ caapijajuyuparã. To bairi Dio cũ canetoo jugõricarã cañuparã. Dio yarã, to bairona Cordero yarã cañuparã naa, cũ canetoo jugõricarã majuu. ⁵To bairi caroorijere, ïtoriquere cawadaquẽjuparã. Cariape macaje jetore cawadanucũjuparã. To bairi Dio maca, “Caroorije wapa cacũgoquẽnare bairo mujaare yũ tũju,” na caĩñupũ Dio. Cañuurã majuu cañuparã ati yepapũ ãnaa, na ciento cuarenta y cuatro mil majuu cãna ti buuro buipũ catũjũnucurã maca.

Los mensajes de los tres ángeles

⁶Cabero yũ catũjujowũ tunu ángel umurecoo recomacapũre cawu teñaũre. Camaja to cãnacã maca macanare queti buio teñaũ cawũ teñawĩ. To cãnacã poa macanapũrena nare queti buio teñaũ cawũ teñawĩ. Caroa quetire cawajoaya maniere, capetiquẽtie majuure nare queti buioũ cawu teñawĩ. ⁷To bairo wũ teñaũ yua, paio bujuro cawada teñawĩ:

—Dio camajare cũ catũju bejeri rũmũ ejacoapa mere. To bairi Diore cũ nucũbugoya mujaa. Diore, “Mu jeto cañuu mu ã,” cũ ïña. Dio nipetirijere cãtacũ ãmi. Umurecoo quenare, muja ya yepa quenare cãtacũ ãmi Dio. To bairi mar capairi ya quenare, oco cabutiri operi quenare cãtacũ ãmi. To bairi rũropatuaripũ ejacumuri cũre muja cãti nucũbugorijere cũ ïñoõña, caĩ wadawĩ ángel umurecoo recomacapũ cawu teñaũ.

⁸Cũa, ángel cũ bero cawũ ujawĩ apeĩ tunu. Cũ maca:

—Mere yua, na recõami Dio Babilonia na caĩri maca macanare. Ti maca pairi maca macanare na recõami yua. Na maca rooro nare júgo átinucuma

ti yepa macanare. “Jāre bairo ája mŭja quena mŭja rupauri macaje caroorije majuure,” ĩ rotiricarore bairo cāmá ti maca macana Babilonia macana. To bairi na recōami Dio, caĩ wadawĩ ángel apeĩ.

⁹Cũ bero cawũ Ƴjawĩ ángel apeĩ tunu, pũgarā bero macacu yua. Tutuaro cawadawĩ cũ quena:

—Noa camaja monstuore caapiũjarāre na popiyeyegũmi Dio. Cũre bairo cabauũ na cawericu quenare na caĩ nũcũbugoata to bairona na popiyeyegũmi Dio. Na riyā pāiropũre o na wamoripũre monstruo ya wamere cũ na cauca tu rotiata to bairona na popiyeyegũmi Dio seeto majuu. ¹⁰Capunijiniire bairona seeto na popiyeyegũmi Dio monstuore caapiũjarāre. Caũrije asufre cawamecũtie mena na popiyeyegũmi. Dio tũ macana ángel maja, Cordero cawamecũcũ quena na catũjũjoro na popiyeyegũmi. ¹¹Ti pero ũ yatiquetigaro. To bairona ũcōa anigarō to cānacā rũmũ. Monstuore cũ cáti nũcũbugorā, cũre bairo cabauũ wericu quenare cáti nũcũbugorā, cũ número cauca tu rotirā yerijā majiquetigarāma. Ƴmũreco quenare, ñami quenare popiye majuu tamũogaráma to cānacā rũmũ yua, caĩ wadawĩ ángel apeĩ.

¹²To bairi mŭjaa, Dio yarā, popiye na catamũopere majirā caroa áti ānajere janaqueticōaña mŭjaa. Monstruo cũ carotirijere apiũjaqueticōaña. Dio cũ carotirije macare apiũjacōaña. Jesucristo jetore caroaro caapiũjacōa anipará mŭja ā.

¹³Cabero yũ caapiwũ tunu Ƴmũrecoopũ cawadarijere:

—iUca tuya tunu yũ caĩrijere! “Diore caapiũjaricarā cabai yajiricarā catunu catirā ani wariñuunucuma yucũra. Cũ caqueti buioriquere na cajanaqueticōata ani wariñuugarāma,” yũ caĩwĩ Espĩritu Santo maca. To bairi: —Cariape mũ yũ ĩ. Cabero Diore caapiũjaricarā caroa ānajere bũgagarāma. Camaja na caqueti buionemobatajere buio yaparo ani yerijāgarāma. Dio tũpũre na caejaro Dio caroaro na cātajere tũgooña bũgagũmi ti yepapũ ānaa na cātajere yua. To bairo tũgooña bũgau caroaro na átinemogũmi. To bairi wariñuurique mena āma naa, na cānipere tũgooñari, caĩwĩ Espĩritu Santo.

La cosecha de la tierra

¹⁴Cabero yũ catũjũjowũ tunu oco bujeri bũrũa cabotiri bũrũare. Ti bũrũa bui jĩcau caruiire cũ yũ catũjũjowũ. Camajocu anibacu quena Dio Macũre bairona cabauwĩ. Cũ rũpoa buire caajiyari beto, Ƴparā na capejari beto unore capejawĩ. To bairi yijerica pāi caori pāire canewĩ. ¹⁵Cabero ángel apeire cũ yũ catũjũjowũ tunu. Dio ya wiipũ cabuti amĩ. Buti eja, oco bũrũa bui caruiire cũ caqueti buiowĩ. Tutuaro wadari ocōo bairo cũ caqueti buiowĩ:

—Ƴje mere ñiicoapa. Ƴje jeerica paũ mere ejacoapa yua. To bairi Ƴje jeija mũ yijerica pāi beto mena nipetirijere, cũ caĩwĩ ángel bujeri bũrũa bui caruiire.

¹⁶To bairo cũ caĩro cũ oco bujeri bũrũa bui caruii maca cũ yijerica pāi betore ati yepapũre caroca ruiocōa joowĩ. To bairo átiri Ƴje ati yepa macaje caricare cajee peocōawĩ yua.

¹⁷Cabero ángel apeĩ cabuti amĩ tunu Dio ya wiipũre. Cũ quena yijerica pāi betore caori pāi cacũgowĩ. ¹⁸Cabero ángel apeĩ cabuti amĩ tunu. Diore áti nũcũbugori cajuti ñuurijere na cajoe buje mũgo joori cajawo tũ cānacũ cabuti amĩ ángel. Cũ maca perore carotii cāmi. To bairi caqueti buio

baujowí ángel apeĩre, yijerica pãĩ beto caori pãĩ betore cacugoure. Baujaro wadari cu caqueti buio baujowí:

—Mere ʋje ti yepa macaje nĩĩ peticoapa. Cajeepe ā. To bairi to cānacā tōripuna jeija. Mũ yijerica pãĩ betore roca ruio jooya ti yeparure, cu caĩ queti buio baujowí ángel cu yaure, caori pãĩ beto cacugoure.

¹⁹To bairo cu caĩro caori pãĩ betore cacugou maca cu caĩrore bairona cāmí. Cu yijerica pãĩ betore ati yeparure caroca ruioçõa jowí. To bairo ácu ati yepa macaje ʋjere cajee peocõawí. Tiere jee peocõari yua, cu cacuta waaparopũ cajee jā cūcõawí cu cajeeriquere, ʋje ocore jeegu yua. Capairopure tie ʋjere cu cacuta waaparopure cajee jā cūcõawí cu cajeeriquere. ¡Ayo! Dio camajare cu capopiyeyepere majiõro bai ángel cu cacuta waarije. To bairi ángel cu ʋjere cacuta waarore bairona popiye tamogaráma camaja seeto. ²⁰To bairi ángel ʋjere jee, tiere cu cacuta waaparopure jee jā cūcõa yua, tiere cacuta waawí. Maca tujaropũ cacuta waawí. To bairo cu cáto caoco butiwũ. Cu cacuta waaro ñoropũ cabutiwũ. ʋjere cu cacuta waabato quena ʋje oco mee, camaja ye rií majuu cabutiwũ pairo, ria mare bairo. Yoaro majuu cayu aápu tie pairo. Tresciento kilómetro majuu cayu aápu. To bairi ñcũaro majuu cãmũ rií. Caballo cu rijeropure caejawũ yua.

Los ángeles con las siete últimas plagas

15 ¹Cabero yũ catujujowũ tunu umurecoopure cabai iñoorije ape wamere. Ángel maja aperã tunu siete majuu cabuia nucawã. Na maca to cānacāupuna cacugo peticõawã jĩca joturi. To bairi tie joturipũ cajaanawũ rooro popiye tamorique. Ati yepa macanare Dio cu capopiyeye tujape cãmũ.

²To bairi yũ catujuwũ tunu utabucura pairi ra quenare. Ti ra maca cabotiri ra vidriore bairo cabaurije cabauwũ. Pero caũ ajuyarore bairo cabauwũ. To bairi catujunucuwã camaja ti ra tujaro boeacã. Na maca cãma Dio yarã, monstruo caroorije cu carotiriquere caapijuquetana. Cũre bairo cabauũ na cawericure cũre cajeni nucubugouquetana cãma, cu wamere na riya pãiropure buire cauca tu rotiquetana. To bairi caroorijere cáti ʋjagaquẽna cãma. To bairi ti ra tujaro boeacãpure catujunucuwã. Tujunucu, Dio ye bajariquere harpas cawamecutiere cugori catujunucuwã.

³To bairi tie harpas mena cabajawã. Moisé, Dio cu carotirijere cácu añacu yere cabajawã. Cordero cawamecũcu ye quenare cabajawã. Ocõo bairo caĩ bajawã:

Dio, nipetirijere carotii mũ ā. Mũ cátie caroa jeto ā.

Caroaro, cariape jeto ā mũ cátie nipetirije.

Camaja nipetirãre carotii mũ ā, caĩ bajawã.

⁴Jĩcaũ maca mũre cawada canamu majirã manama. Mani ʋpau, nipetiro macana mũre ĩ nucubugogaráma. Nipetiri maca macana, “Jĩcaũna mũ ā Caupau majuu,” mũre ĩ nucubugogaráma. Mũ jeto caũũ mũ ā. Nipetirã caroaro, cariape mũ cátiere catujuyupa. To bairi nipetiri maca macana mũ tũpũre tujũ ejagarãma. Mũ tũpũre tujũ eja, ruopatuarũ ejacumuri, “Jĩcaũna mũ ā Caupau majuu,” mũre ĩ nucubugogaráma, caĩ bajawã ti ra tujaro boeacã catujunucurã Dio yarã.

⁵To bairo na cabaja yaparoro yũ catujuwũ tunu. Dio wii jope capã nucasoarũ. To bairi ti jope tũ tujũjo, ti aruapure yũ catujujowũ.

Ë ta pãi Dio cu carotiriquere cu cauca turica pãire na cacũrica arua cãmu, santuario na caĩro. ⁶To bairo topu yu catujajoro tunu ángel maja siete majuu cabuti amá ti wiipure yua. Roro popiye tamuorique cajaanãri jotũre cajeeparã cãma siete wameri majuure Dio camajare cu capopiyeypere. Jutii cabotirijere cajaanãwã. Caugueri maniere cajaanãwã caajiya bujubujarijere. Na cotiapure caajiyari ajerire caji tuwã. ⁷To bairi ti wiipure na cabuti ató yua, ricati cabaurã cuatro majuu na mena macacu jĩcau na cajoowĩ jĩca jotũre to cãnacãupurena. Caajiyari jotũre oro mena na caĩrije na cáta jotũre na cajoowĩ popiye tamuorique cajirari rũre. Dio, to cãnacã rũmu cãnicõa aninucuu maca camaja caũuuquẽnare capunirijere cu cajoorijere na cajoowĩ. ¡Ayu! Roro majuu tamuogarãma caroorã maca tie jugori. ⁸To bairo ángel maja tie riayere cajee aána na cáaáto Dio wii pero bujeri mena cabuje jiracoapu. Dio caroau, caroti maji majuu topu cu cãnie jugori to bairo cabuje jiracoapu. To bairo tie cabairo to macana nipetirã ti wiipure cajãa majiquẽma. Riaye siete wameri majuu capetiparo jugoye noa cajãa majiquẽma ti wiipure yua.

Las copas de castigo

16 ¹ Cabero tunu baujaro majuu cawadajorijere yu caapiwu. Dio wii cawada butirijere yu caapiwu. Ocõo bairo caĩ wadarajawu to macana ángel majare, siete majuure:

—¡Ma yua! ¡Aánaja mujaa ti yeparũre! Roro popiye tamuorique siete wame majuure mujã jotũri cajaanãriijere topu jite rerãja. Ti yepa macana caroorã buipure jite rerãja Dio nare cu capopiyeypere, na caĩwĩ ti wiipu cawadau ángel majare baujaro wadari.

²To bairo cu caĩro apii yua, jĩcau na mena macacu carui amí ati yeparũre. Rui atí, cu jotu macaje capunirijere cajite recõa joowĩ yeparũre. To bairo cu cáto camaja ati yepa macana maca rooro catamuwã. Na cacamii boarijere capeniwã rooro majuu to bairo cu cátie jugori. Monstruo cu ya wamere na riya pãiroripure cauca tu rotiricarã capeniwã. Cũ re bairo cabauu na cawericure caĩ nucũbugoricarã to bairona cabaiwã na quena rooro majuu.

³To bairo ángel cáaa jugou cu cáaáto bero apeĩ carui amí tunu ati yeparũre. Rui atí, cu jotu macaje popiye tamuorique cajite recõa joowĩ cu quena. Mar capairi yapure cajite re ñuawĩ. To bairo cu cáto mar oco maca riĩ majuu camajocu na cajĩaricu ye riĩre bairo cajeeñacoapu yua. To bairo cabairo ti ya ria macana nipetirã cariacoama, wai jãana yua.

⁴To bairo ángel cabero macacu cu cáaáto bero apeĩ tunu carui amí ati yeparũre, pugarã bero macacu majuu. Rui atí, cu jotu macajere popiye tamuorique cajite recõa joowĩ. Riaripu quenare, caoco butiri operi quenare cajite recõa joowĩ. To bairo cu cáto to cãnacã riarũna, to cãnacã operipũna caoco butiri operi riĩ majuu cajeeñacoapu yua. ⁵⁻⁶To bairi ocore riĩ cajeeñaro tujũu cũa ángel tiere cajeeñooricu maca ocõo bairo caĩwĩ:

—Mua Dio, caroau to cãnacã rũmu cacaticõa aninucuu mu ã. Mu cátie caroaro cariape jeto ã. To bairi camaja popiye na catamuoro na mu ápu na ye wapa. Mure caapiujarãre na cajãa rewã. Mu ye quetie cabuoricarã quenare na cajãawã. Nare na cajiario carii rewã. To bairo rooro na cátiere tujũu yua, mere popiye na catamuoro na mu ápu. To bairi riĩ jetore etigarãma yucura yua, na cajĩarique wapa. To bairi caroaro cariape cácu mu ã, cu caĩwĩ ángel ocore riĩ cajeeñooricu Diore.

⁷To bairo cū caīro yū caapiwū jīcau cūre cū cayū wadaro tunu. Joe buje mugorica cajawopū cū cawadarije cabauwū:

—To bairona mū bai, jā ūpaū Dio. Nipetirā netoro cāti majii mū ā. To bairi caroaro cariapena ā na mū capopiyeyerije caroorije cānare, cū cawadarije cabauwū.

⁸⁻⁹To bairo bai yua, ángel maja itiarā ati yeparūre na cāaáto bero apeī cāamí tunu. Itiarā bero macacū carui amí. Rui atí, cū jotū macajere capunirijere cajite batecōa joowī tunu muipure. Ūmureco macacūre jejaro cajite bate peocōa joowī. To bairo cū cāto seeto majuu caajiwī muipu. To bairo cū cajiro camaja maca caū waroawā na ajeri. Ū waroa yua, rooro cū caī tuti macawā Diore. Riayere cajoo majiire rooro cū caī tuti macawā camaja caū waroarā maca. To bairo na caroorije wapa Dio seeto nare cū capopiyeyebato quena catūgoonarique paiquēma caroorije na cātinucurijere. “Dio, nipetirijere caroti majii mū ā. To bairi mū catūjoorije macare jā átigarā,” cū caī jenuquēma. “Cañuuquēcū āmi Dio,” irique macare caīwā, Diore cū ī tuti macarā yua.

¹⁰Cabero ángel apeī bapari cānacāu bero macacū carui amí tunu ati yeparūre. Rui atí, cū jotū macaje popiye tamūoriquere cajite recōa joowī cū quena. Monstruo cū caruiri paūre cajite re peocōa joowī. To bairo cū cāto monstruo cū carotiri paūri nipetiropū cū carotirā na cāni paūri canaitiacoapū. To bairo cabairo camaja seeto catamūowā. “¡Agu, agu!” caīwā. To bairo tūgoonarique pai netobana na rijerori cabaque biawā. ¹¹Na cacamii boarije jūgori seeto cawijiowā. To bairo na caroorije wapa Dio seeto majuu nare cū capopiyeyebato quena catūgoonarique paiquēma caroorije na cātinucurijere. Caroorijere cāti janagaquēma. “Cañuuquēcū āmi Dio,” irique macare caīwā Dio ūmurecoo macacūre, cū ī tuti macarā yua.

¹²To bairo ángel cū cāto bero apeī carui amí tunu ati yeparūre, jīca wamo cānacāu bero macacū majuu. Rui atí, cū jotū macaje popiye tamūoriquere cajite re űuawī Eufrates na caīri yapū capairi yapū. To bairo cū cāto tí ya ria capairi ya anibato quena cabopo peticoapū yua. To bairi caoco mano tí ya peñaricaro cañuubūjawū. I nūgoa macana ūparā na surara mena tí ya riare caroaro na caneto aá majiparore bairo īi, to bairo cāmí ángel tí ya riare. Muipu cū cawamū ató maca macana tí ya riare caroaro na capeña aá majiparore bairo īi, to bairo cāmí ángel.

¹³⁻¹⁴Cabero yū catūjwū tunu Sataná yarā wātia itiarāre. Jīcau dragōre cū rijeropūre cabuti amí wāti jīcau. Apeī monstruore cū rijeropūre cabuti amí cū quenare. Apeī monstruo cabero macacū caīto paii macare cū rijeropūre cabuti amí cū quenare. Tūbūroare bairo cabauwā wātia na rijeroripū cabuti atāna. Apeye uniere camaja na catūjū acuari wame cāti iñoopará cāma. To bairi to cānacā maca macana ūparāre na jee neori nare caquē rotipará cāma. To bairi maca ūparā surara mena na cajee neowā, Diore mani quērā ĩrā, to bairo na cajugo ĩwā. To bairo na cabairo tí paū na caquēgari paū cāno ati yepa cāni tujari paū majuu anigaro yua. Dio nipetirā netoro caroti majii majuu cūre cabai netoo nūcarāre cū careri paū majuu anigaro yua. ¹⁵Caroaro apiñañaja mūjaa. Ocōo bairo ĩmi Jesu manire: “Yū tunu atígu. Mūja caī tūgooña majiquētopū nemoo yū tunu atígu. ‘Tí paū majuu cāno cajee rutii ejagūmi,’ mūja caī majiquētoore bairona yū tunu ejagu mūja tūpū. ‘Tí paū ejagūmi,’ caī majiña mani paū yū ejagu yua. To bairi caroare ája. Wariñuugarāma yū catunu ejaparore caroaro cāni yuurā maca. Caroorije cātiquēna wariñuugarāma. Aperā

caroorije cána maca bobogarāma. Cajutii manare bairo bobogarāma naa yu catunu ejaro,” ĩmi Jesu. ¹⁶To bairo yua, wātia Sataná yarā maca na cajee neowā caquēparāre. To cānacā maca macana ũparāre na surara maja mena na cajee neowā. “Armagedón” hebreo ye mena cawame cutopure na cajee neowā yua.

¹⁷To bairi yua, cū a ángel Eufrates na caĩri yare oco cabopo petiro cátaçu bero macacu cáamí apeĩ tunu ati yepa buipure. Seis bero macacu majuu cámi. Cāni tujau majuu cámi cūa. To bairi ati yepa buipure eja, jō buipure cū jotu macajere capunirijere cajite recōa joowĩ cū quena. Wino buire cajite recōa joowĩ. To bairo cū cáto baujaro cawadarijere yu caapiwu. Dio wiipure cabauwu. Ti wii pupeapure Dio cū caruiro majuuru cawada wiojorajawu, jĩcau cū cawadarije:

—To cōona to petiato ati ũmurecoo, caĩ wada wiojorajawu.

¹⁸To bairo to caĩ wada wiojo yaparoro bero to cōona bupo cū cayaberije cayabewu. Seeto cabujawu. Bupo quena seeto capawĩ. Ati yepa quena seeto cawārewu. Cajugoye cawārerique netoro cawārewu seeto. ¹⁹To bairo cawārerije jugori ti maca “Babilonia” na caĩri maca cawati nũcacoapure. Itia yepa majuu cawati nũcacoapure. To bairi to cānacā poa macana na ya macari macá wiiri quena capua wē peticoapure. To bairona Dio maca Babilonia macana caroorije na cáto tũgooña, na cacōoña bejewĩ. Na cōoña bejei popiye seeto majuu na catamũoro na cámi na ye wapa. Capunijiniire bairo na capopiyeyewĩ Dio. ²⁰To bairi tunu yucu poari to cānacā poapuna carua peticoapure. ũ ta yucu quena cayajicoapure yepa cawārerero. ²¹To bairi ũmurecoopure oco weta rupaa, cajoori rupaa cawē rui apé. To cānacā rupaa cuarenta kilo cōo canũcũwu. To bairo rooro wē rui ató camajare catāpo recōawu. To bairo cabairo tujau camaja carujarā maca caroorije cū caĩ tuni macawā Diore. Cauwiobujawu tie cawē ruijere yua.

Condenación de la gran prostituta

17 ¹Cabero tunu yu ture caejawĩ ángel. Capuniri joture cacugoricarā mena macacu jĩcau cámi. Yu ture eja:

—Aduja yu mena, yu caĩwĩ. —Mure yu ĩnoogu mai atio caumũare rooro cáti epe paiore Dio cōre cū capopiyeyepere. Ria capairi ya tũ Babilonia na caĩri maca majuuru caruiro popiye co catamũopere mu yu ĩnoogu. Co popiyeyegumi Dio co ye wapa yua, yu caĩwĩ ángel maca. ²Ī yua, yu caĩwĩ tunu: —Ati yepa macana ũparā co mena caroorije cáma. Caroorā carore na cáti eperore bairo na quena atio yere apeye uniere, to bairo co caqueti buiorije quenare caboo netowā. To bairi rooro majuu cáma ati yepa macana quena. Caeti cumu pairā rooro na caeti cumu mecũnucurore bairona rooro majuu cáma na quena, co carotirore bairona, yu caĩwĩ ángel.

³To bairo ĩ, yu cane aámi camaja na camanopure. Espiritu Santo cū camajorije jugori yu cane aámi. To bairo yure cū cane aáto yua, co yu catujawu cāromiore. Co maca monstruo cajūau buire caruiwō. Caroori wamere cauca tu ecooricu buire caruiwō. Siete majuu carũpoaricũcũ, tunu diez majuu cajawiaricũcũ buire caruiwō. ⁴To bairi jutii cajumerije, jutii cajūarije cajaanawō. Oro caajiyarije mena cawamoorico cámo. ũ ta rupaacāre caroa caajiyarije unie quenare cabujawō. Cabotiri rupaacā quenare cabujawō. Capee cawapa pacarije jeto cabujawō. To bairi etirica ru oro caajiyari ru canewō. Ti ru co caneri ru maca cajiracoapure caroorije. Ti ru macaje caroorije nipetirije rooro co cátie, rooro co cáti eperije

quenare majiōro cabaiwū. To bairi ti rūpū cajaanaro caroorije cabauore bairo cabauwū caroorije co cātinucurije. ⁵To bairi co riyā pāipūre uca turique cāmū. Camajiriori wame cāmū tie uca turique. Ocōo bairo caīwū: “Atio itia wame cawamecūco āmo. BABILONIA capairi maca wamecūmo. CAROORĀ ROMIRI PACO quena wamecūmo. CAROORIJĒ CAĪ JĪGO MAJIO ĀCO quena wamecūmo,” itia wame majuu uca turique cāmū co riyā pāipūre. ⁶Caeti cumu paiore bairo camecūco cāmo cōa. Co mena macanare Dio yarā, Jesure caapiūja janagaquēnare cajīa re rotiwō capāarāre. To bairo majuuna na jīa re roticōari na carī roto catūjū wariñuucōawō camecūo maca. To bairi yū maca to bairo cajīa roti paiore co tūjū yū catūjū acūacoarū yua.

⁷To bairo yū catūjū acūacoato ángel maca:

—¿Nope īi cōre mū tūjū acūati? Tūjū acūaqueticōaña. Caroaro mū yū queti buioḡū camajiriori wame co cabairi wamere. To bairona co caruiricū, monstuo siete majuu carūpoaricūcū, diez majuu cajawiaricūcū cū cabairi wame quenare mū yū queti buioḡū, yū caiwī ángel. ⁸Ocōo bairo yū caīwī tunu: —Cū a, monstuo cāmi tirūmūpūre. Yucūacāre bauquēemi. Ape rūmū cānopū caīcūari operū cānacū buti atīgumi tunu. Ti rūmū cāno Dio maca cū rocacōagumi caī yatī majiquētopū yua. To bairo cū cayajiparo jūgoye Diore caapiūjaquēna maca cū cāniecūtiere tūjū acūari cū apiūjagarāma monstuoere. Dio yarā cāno cōo na wamerire ati yepa cāniparo jūgoye cū cauca turica pūuropū cauca tu ecooquetana maca monstuo cū cāti aniere tūjū acūari cū apiūjagarāma yua, yū caī queti buiowī ángel.

⁹Caroaro apiūja majiña mai mū yū caī queti buiopere. Camajiriorijere mū yū queti buioḡū. Apiya. Monstuoere cū tūjūya. Siete majuu carūpoaricūcū āmi. To bairona caroo, monstuo bui caruio yū macarū Babilonia cawamecūti macarū siete buurori majuu ā. ¹⁰To bairona ti buurori cauparā siete majuure majiōro bai. Ūparā na cabairi wamere mū yū buiopa. Ūparā mena macana jīca wamo cānacāū majuu care ecooricarā āma. Apeī rotinucumi mai. Apeī seis bero macacū maca bauquēemi mai. Cū maca cauparū jāabacū quena yoaro aniquetīgumi cū quena. To bairi yoaro roti majiquetīgumi ati yepa macanare yua. ¹¹To bairona cū a monstuo mere yucūacā caejaricū cū jūgoye macanare bairo cācū anīgumi. Ūparā siete bero rotīgumi cū quena. To bairo rotibacū quena yoaro roti aniquetīgumi. To cōopū cū rocagumi Dio yua.

¹²Apeye tunu cūre, monstuo diez majuu cajawiarī cūcūre tūgoōñaña. Cū jawiarī majiōro bai aperā ūparāre. Diez majuu anigarāma ūparā. Cajāaquēma mai na carotipere. Ape rūmūpū ūparā anigarāma. To bairi ūparā jāarā monstuo mena na roti majigarāma camajare ati yepa macanare. Rotibana quena yoaroacā mee roti anigarāma. Jica yūteacā jeto roti anigarāma. ¹³To bairi naa maca ūparā jīcarore bairo tūgoōnagarāma. Monstuo cū carotirijere rotinemogarāma camajare. “Jā maca mū ēoro cāna maca jā rotinemogarā,” cū igarāma monstuoere. ¹⁴To bairo bairā yua, “Jitā, cū mani quēto Cordero cawamecūcūre,” ame igarāma. To bairo corderore cūre na caquēgabato quena Cordero maca na quē netogumi yua. Cordero maca nipetirā netoro caroti majii āmi. Maca ūparā quenare nipetirāre carotii āmi. To bairi na quē neto majīgumi. To bairi cū mena macana cū cabejericarā anigarāma. Aperā nare na capopiyeyebato quena Corderore cū apiūja janaquetigarāma, yū caī queti buiowī ángel.

¹⁵To bairo yu ĩ queti buio, yu caĩ queti buionemowĩ tunu:

—Apeye tunu ria capairi yare mu tujuwu. Caroo co caruiro tu macá ya riare mu tujuwu. Ti ya ria capairi ya majuu ā. Ti ya buio majioro bai ati yepa macanare. Camaja to cānacā maca macana, to cānacā poa majuu āma co carotirijere caapiujarā paarāacā. ¹⁶Cabero yua, diez majuu uparā maca monstuo mena to cānacāupuna cōre teebujagarāma caroore. Cōre teerā co rocagarāma. Capee apeye uniere cacugobatacore, caroaro cajuti jañabatacore apeye unie máco co átigarāma. To bairo co áti yaparorā, co rupau rire ũga re peogarāma. To bairo ũga yapirā carujarijere peropu joe re peogarāma yua. ¹⁷To bairo cōre na carepere Dio maca na yeripu na wadajāgumi. Yu caboorore bairo na áparo ĩi, to bairo na wadajāgumi Dio. Cu maca jīcarore bairona na tugoñaato ĩi, na rotigumi Dio na yeripure. “Camajare mu carotirijere jā rotinemogarā. Mu ěoro cāna maca jā rotinemogarā,” monstuoere na caiparore bairo boomi Dio. To bairona na wadajāgumi Dio, cu ye queti buio jugoyeyeriquere bairo na cátiparore bairo ĩi yua. ¹⁸To bairi cāromiore co mu tujuwu caroore. Camajare rooro cáti júgo āmo cōa. To bairo caroorije camajare co cáti júgorore bairona áama co ya maca Babilonia cawamecuti maca capairi maca macana, na quena. Ti maca macana caroorije áti júgoma ati yepa macana nipetirāre. To bairi uparā to cānacā maca macana caroorije na cáti júgorore bairona áti rotinemonucugarāma na yarā quenare. To bairije yu caĩ queti buiowĩ ángel yu catujū acuario yua.

La caída de Babilonia

18 ¹To bairo ángel yure cu caĩ queti buio ro bero yu catujuwu tunu. Ángel umurecoopu carui acūre cu yu catujuwu. Seeto caajiya rui amí. Seeto caroti majii cāmi. To bairi seeto caajiyaū ati yepapure cu carui ejaro ati yepa quena cabujuwu ángel cu caajiyaire jugeri yua. ²To bairo cabairo ángel maca seeto baujaro ocōo bairo caĩ wadawĩ:

—Mere yua, mere na recōagumi Dio Babilonia macanare. Ti maca capairi maca macanare na recōagumi yua. To bairi ti macapū camaja na camano wātia Sataná yarā maca ani ejagarāma. Nipetirā caroorā ani ejagarāma. Yuca una quena ani ejagarāma Babiloniapure. ³To cānacā maca macana maca Babilonia macana caroorije na cáti aniere tujuma. Caroorije na cáti aniere tujuri na quena na rupau macaje caroorijere átiganucuma na quena. To bairona to cānacā maca macana uparā Babilonia macana mena caroorije átinucuma na quena. To bairi to cānacā maca macana na ye apeye uniere joori cawapatarā paio wapatama, ti maca macana na caboorijere joorā. To bairi yucura na recōagumi Dio nare Babilonia macanare yua, caĩwĩ ángel maca seeto baujaro caĩ wadau.

⁴To bairo cu caĩro bero yu caapiwu tunu umurecoo macacu apei cu caĩrijere:

—Aduja, yu yarā. Ti maca macana mena aniqueticōaña. Muja quena nare bairo caroorije muja átire. Nare bairo ána nare bairo popiye muja quena muja tamoborā tie wapa. ⁵Caroorije na cátie paio ā. Caroorije na cátiere papera pūuropu jīca tuti mani caucaata umurecoopure ejaboro ti tuti. To bairi yucura yua, Dio maca caroorije na cátiere tugoñari na cōña bejei áami. Na cōña bejei popiye na catamuro na átigumi yucura yua. ⁶To bairi mujaa ángel maja, Dio yere caraabojarā, cu caĩrore bairo ája. Popiye na catamuro roque na ája Babilonia macanare. Diore caapiujarāre rooro

nare na cáatatore bairona na ája. Netobujaro na ája caroorije na cátie wapa yua. ⁷Ti maca capairi maca macana apeye uniere pairo cugoma. “Dije unie rújaquêto mani cugo. Cawatoa macana mee mani ã,” íma. To bairona, “Carotí majirã majuu mani ã. Noa manire roti neto majiquênama. To bairona mani ani wariñuucôa aninucugarã to cãnacã rumu,” íma. To bairo rooro na caí tũgoonarije cõo rooro na popiyeyeya. ⁸To bairo yoaro mee na cariaro roque na átigumi Dio. To bairo cu cáto to macana jicaarã Babilonia macana bai yajicoagarãma. “iAyu, ayu!” ígarãma na yarã. To bairona aperã ñigo mena bai yajicoagarãma. Aperã tuni ucoagarãma mani upau Dio catutuaa perore cu cajoorije jugori. To bairona na popiyeyegumi Dio roorije na cátinucurije tujuri.

⁹To bairo ati yepa macana uparã to bairo Babilonia macana na cabairo tujurã yua, otigarãma. Babilonia macana mena rooro cáтана maca na cayajirijere tujurã otigarãma. “iAyu, ayu!” í otigarãma. Babilonia na caíri maca caũ rore tujujorã seeto tũgoonarique paigarãma ati yepa macana uparã. ¹⁰Uwirã ti maca tuacã aáquetigarãma. Jõpuna ti maca ãnatore tujujocõa anigarãma. Tujujo, “iAyu, ayu!” ígarãma. “Ti maca Babilonia capairi maca cãnibato quena maa yucura. Yoaro mee yajicoapu. Yaji majuucoapu to macana rooro na cátie jugori yua,” ígarãma ati yepa macana uparã maca.

¹¹To bairona ati yepa macana apeyere joori caniyeru wapatarã otigarãma na quena. Tũgoonarique paigarãma na quena. “Noa já yere cawapayeparã maama yucura,” í otigarãma. “Mani ye capee apeye uniere manire wapaye majiquêema yucura,” í otigarãma. ¹²“Oro uniere, plata uniere, ù ta rupaacãre caroa caajiyarije uniere, cabotiri rupaacã uniere, jutii cabotirijere, jutii cajumerijere, jutii caroaro capõrerijeacãre, jutii cajuarijere, yucu caroa cajuti ñuurijere, marfil na caírije mena caroa na cátajere, yucu caroau mena na cátajere, bronze mena caroa na cátajere, comee mena caroa na cátajere, mármol na caírije mena caroa na cátajere cawapayeparã maama. Mani apeyere cajeeparã maama,” ígarãma. ¹³“Ugariquere cajã ajurije, canela na caírije, bia uniere, caroa juti ñuurije uniere, uco uniere, vino uje ocore, uje olivo na caírije macajere, poca caroa macajere, trigore, wecuare, ovejare, caballoare, caballoa tũgarica betorire, camaja capaabojarãre noa na wapayequetigarãma yucura yua,” ígarãma. ¹⁴To bairo í, ocõo bairo ígarãma tuni, apeyere joori caniyeru wapatabatana tunu: “iAyu, ayu! Yucura Babilonia macana ãnana yajicoama. Na caboo netorije quena yajicoapa. Nipetirije caroa unie yajicoapa. Na ye pairo cawapacutie yajicoapa. Yucura tuju bũga majiña mano tie yua,” ígarãma apeyere joori caniyeru wapatabatana maca.

¹⁵To bairo pairo cawapatabatana maca Babilonia macana Dio nare cu capopiyeyero uwibana ti maca tuacã aáquetigarãma. Jõpuna ãnaa ti maca ãnatore tujujocõagarãma. To bairo tujujorã oti awajagarãma, seeto tũgoonarique paibana. ¹⁶To bairo tũgoonarique paibana, “iAyu, ayu!” ígarãma. “Ti maca caroa maca cãnibapu. Cãromio caroao wamagacõa átacore bairo caroaro tujoo ñuuri maca cabaubapu ti maca ãnato. Cãromio caroa jutii, cajumerije, cajuarije cajañaore bairo cabaubapu. Cãromio caroa cabaurije mena oro unie, ù ta rupaacã caroa caajiyarije unie mena, cabotirije rupaacã unie mena áti wamagacõarico co cabauore bairo cabaubapu ti maca ãnato. Caroa maca majuu cãnibapu. ¹⁷Yucura maa yua. Nemoopuna yajicoapu ti maca ãnato. Nipetirije ti maca macana na ye

ānaje apeye unie yaji peticoapɥ. Caroa unie yaji peticoapɥ,” ĩgarāma na apeyere joori cawapatabatana maca.

¹⁷To bairi ria capairi ya macaje cumua capairica macaje ɥparā ti maca ānatore tujujogarāma. Na mena macana quena capairi yapu jee cāaáteñarā to bairona ti maca ānatore tujujogarāma. ¹⁸Ti maca ānato caū bujerijere tujujorā seeto tugoñarique paigarāma. Tugoñarique pairā ocōo bairo ĩ awajagarāma: “ĪDi maca ati macare bairi maca caroa maca majuu camamɥ!” ĩgarāma.

¹⁹To bairo ĩrā yua, na ruɥoari buire jita ma peogarāma, seeto tugoñarique paibana. Oti awajagarāma seeto, “ĪAyu, ayu!” ĩ oti awajagarāma. “Mania ria capairi yapu caapeye jee aáteñarā mani nipetirā paio mani cawapatanucubapɥ, ti maca macanare nunirā. Yucɥra maa ti maca caroa maca ānato. Yoaro mee yajicoajupa yua,” ĩgarāma riapɥ caapeye jee atinucubatana maca.

²⁰Yucɥra yua, mujaa ɥmurecoo macana wariñuuña. Diore caapijarā quena, mujaa apóstol maja quena, mujaa Dio ye quetire cabuiorā quena, mujaa nipetirā Dio yarā wariñuuña. Mere popiye na catamuroo roque na átigumi mani Pacu Dio nare, Babilonia macanare. Rooro mujaare cātanare to bairo na átigumi Dio na ye wapa. To bairi wariñuuña mujaa.

²¹Cabero tunu ángel jīcaɥ catutuau cabuia ejawī. Cɥ maca ũ ta cui catuburi cui majuure cane mɥgowī. Trigore na cawāiari cui unore cane mɥgowī. Ti cui canucɥri cui majuure ne mɥgoɥ caroca ñua joowī ria capairi yapɥre yua. Roca ñua joori:

—To bairona baigaro Babilonia na caīri maca, caīwī. —Ti maca capairi maca to bairona baigaro. Yaji majuucōagaro ti maca. Camaja dope bairo áti buga majiquetigarāma ti macare, caīwī. ²²—To bairi mere apiya manigaro ti maca macana na cabajarije yua. Harpare na cabuga putē bajarije quena, tōroa mena na cáti bajarije, putirique mena na cáti bajarije noo cōopɥ apiya manigaro ti macapɥre. To bairona paari maja apeye uniere caroa caquenoora manigarāma. To bairona cabujurije trigore na cawāiarije quena bujuquetigaro tie quena. ²³To bairona jīa bujuriye quena ũ buju batequetigaro. To bairona cawamarā cawamo jiarā na cawadarije apiya manigaro. Ame tujuri wadapenirique caroa wariñuurique mena apiya manigaro ti macapɥre yua. To cōona camaja manigarāma ti macapɥre. To macana na apeyere joori caniyeru wapataricarā maca paio caniyerucuna anibapa. Caroti majirāre bairo anibapa. Caroorije cātínucurā āma naa. To bairi cabaje majiri maja anibana ati yepa macanare na ĩtoma. To bairi Dio maca ti maca macanare to bairona na regumi yua.

²⁴Caroorije majuu áama ti maca macana. Diore caapijarāre, Dio ye quetire cabuiorā quenare, “Na jīa recōaña,” ĩnucuma na yarāre ti macapɥre. To bairona jīa rotinucuma nipetirɥre. To bairi na quenare na recōagumi Dio ti maca macanare tunu.

19 ¹To bairo Babilonia macana na cabaipere tujɥ yaparɥ yua, yɥ caapiwɥ tunu cawadarijere. ɥmurecoo macana capāarā majuu seeto na cawada bate joorije cabaurijere yɥ caapiwɥ.

ĪAleluya! ĪDiore mani ĩ wariñuu bajato! Rooro majuu mani catamuboriquere mani canetoobjau āmi mani ɥpau Dio. Caroa majuu āmi. Nipetirāre carotii āmi cūa.

²Caroaro cariape cácu āmi Dio, caroorije cānare to bairo nare popiyeyei. Caɥma mena cáti epe paio ya maca macanare

seeto na popiyeyegumi yua. Ti maca macana caroorije majuu na cátiere tujuri na cõõña bejei áami Dio.
 To bairo na cõõña bejei yua, popiye na catamõoro roque na átigumi Dio caroorije na cátie wapa. Cũ caboorijere caapijarãre na cajãa recõa átinucurije wapa to bairona na popiyeyegumi Dio, caĩ wada baujawã ñmũrecoo macana maca.

³To bairo ĩ, ocõõ bairo caĩ baujawã tunu:

¡Aleluya! iÑnuu majuucõa! Ti maca capairi maca ñgaro bai.

To bairona ti maca bujeri bujecõa aninucugaro to cãnacã rũmũ yua, caĩ wada baujawã naa, ñmũrecoo macana.

⁴To bairo na caĩro cabũcũrã carotirã veinticuatro majuu cãna rũropatuaripũ ejacumuri Diore cũ cáti ñcũbũgowã. Ricati cabaurã cuatro majuu to bairona cãmá na quena. Dio cũ caruiri paũ tũ cũ cáti ñcũbũgowã: —iDio cũ cátie ñnuu majuucõa! ¡Aleluya! iÑnuu majuucõa! caĩ bajawã.

⁵To bairo na caĩro Dio cũ caruiri paũpũ cawadarije cabũju butiwũ:

¡Mani Pacu Diore cũ ĩ wariĩnuu bajaranemoña muja quena!

Mũjaa cũ yarã, cũre canũcũbũgorã, cũ ĩ wariĩnuu bajaranemoña.

Mũjaa caũparã quena, cawatoa cãna quena,

mũja nipetirã cũ ĩ baja wariĩnuunemoña, topũ Dio tũ macacũ

cũ caĩrije cabau buti atĩrajawũ Dio cũ caruiri paũpũ.

La fiesta de las bodas del Cordero

⁶To bairo cũ caĩ wadaro bero yũ caapiwũ tunu camaja capãarã na cawadarijere. Seeto cabũjuwũ na cawadarije na quenare. Ñ ta poerori capee cabũjurõre bairo cabũjuwũ. Bũpoa seeto na caparore bairo cabauwũ:

¡Aleluya! iÑnuu majuucõa! Mani Ñpaũ Dio catutuaũ aniri

nipetirã netoro caroti maji majuu ãmi.

Cũ caboorore bairo áti peocõami, caĩ wadawã yua.

⁷⁻⁸ To bairi boje rũmũ mere ejacoapa. Cordero cũ cawamo jiapa rũmũ mere ejacoapa. To bairi Cordero ñumo cãnipaore ñe unie co rũjaquẽe. Jutii caroa cabotirijere cõre na cajooriqueere jañatũgamo mere. Caroaro caajiyarijere bairo mere jañamo. Jutii caũgueri maniere jañamo. Diore caapijarã cũ yarã cãni poa ĩgaro áa Cordero ñumo cãnipao to caĩata. Dio yarã caroaro na cãniere majiõro bai cabotiri yeje jutiiro. Caroa majuu ã na cátie, caroorije mano. To bairi Diore mani ĩ wariĩnuu bajaato. “Mũ jeto caroaũ majuu mũ ã,” Diore mani ĩ wariĩnuu bajaato, caĩ wadawã.

⁹To bairo cawadarije na caĩ wada yaparoro ángel yũ tũ cãcũ maca yũ caĩwĩ tunu:

—Mũre yũ caĩrore bairo uca tuya, Juan, yũ caĩwĩ. —Wariĩnuurã áama camaja Cordero cũ ya boje rũmũ cãno na capiõoricarã, yũ caĩwĩ. —Tie mũre yũ caĩrije cariape ã. Dio maca yũre caqueti buiowĩ tiere, yũ caĩwĩ ángel.

¹⁰To bairo cũ caĩro cũ tũpũre rũropatuari mena ejacumuri, cũ ĩ ñcũbũgou yũ cãpũ. To bairo yũ cáto cũ maca:

—iTo bairo átiqeticõaña! yũ caĩwĩ. —Mũre bairona cãcũ yũ ã yũ quena, Dio cũ carotirijere cãcũ. Mũ yarãre bairo quenare, Jesucristo ye queti caapijarãre bairo quenare yũ ã. Jĩcaro cõo mani áti aninucu. To bairi yũ tũpũre rũropatuari mena ejacumuqeticõaña mũa. Dio jetore cũ áti ñcũbũgoya. Dio manire cũ caĩñoorije nipetirijere manire áti iñoonucumi, camaja Jesu cũ cáti aniere caroaro na majiato ĩi, yũ caĩwĩ ángel.

El jinete del caballo blanco

¹¹To bairo cū caïro bero umurecoore pāricarore bairo yū catujujowu. Тору yū catujujoro caballo cabotii majuu cabauwī. Cū buire capejawī jīcau. CŪ CAIRIJERE BAIRO CĀCŪ cawamecūmi cū buire capejau. Ape wame quena, CARIAPÉ CAĪ BUIOŪ cawamecūmi. Cūa caroaro cariape camajare na cacōña beje majiwī, caroaro na cātiere o rooro na cātiere tujū majiri. To bairona cū wapanare popiye na catamuro roque na cācu cāmi. ¹²Cū capeari perore bairo caajiyawu. To bairi cū rupa buire capejawī rupa betori unie, caajiyari betori uparā na capejari betori uniere. To bairi cū riya pāipure uca turique cabau tujawu. Ti wame cū riya pāipure cabau tujarijere cū jeto camajiwī. Aperā camajiquēma. ¹³To bairi cū jutiuro cajūari jutiuro majuu cabauwu. Rii bapapure na cajāricarore bairo cabauwu cū jutiuro. To bairi ape wame quena cawamecūmi: DIO YE QUETIRE CABUIOŪ MAJUU cawamecūmi cūa. ¹⁴To bairo cū cāaato, umurecoo macana surara cū bero caujawā. Na maca caroa jutiū cabotirijere, caugueri maniere cajanawā. Caballoa cabotirā bui capejawā cū berore ūja aāna. ¹⁵To bairo na cāaato cūna na upau macare cū rijeropure cabuti nucawu jarerica pāi caori pāi majuu. To bairi to cānacā maca macana cūre cabooquēna cū uwibujagarāma. Na quē netocōbagūmi ti pāi mena. To bairi cū carotirore bairo na cāto na átigūmi. Tutuaro majuu na rotigūmi. Cūre cabai netoo nucarāre na regūmi. Camaja ūje oco jeegarā na cacuta waarore bairo tutuaro na átigūmi, cūre caapijuaquēnare na popiyeyei. To bairi Dio nipetirā netoro cāti majii aniri cū carotirore bairo na átigūmi. ¹⁶Apeye tunu caballo bui capeja aācu cū ūjerutoru uca turique cāmu, cū jutiropu quenare. Ocōo bairo cabau tujawu: NIPETIRĀRE CAROTII, ŪPARĀ QUENARE CAROTII caī tujawu cū ūjerutorure, cū jutiropu quenare uca turique cānie.

¹⁷Cabero yū catujujowu ángel apeire muipu cū caajiyarije tū catujunucure. Cū maca baujaro majuu capijowī. Yucaare na capijowī, na neñaato ii.

—Ūgarā ajá, na caīwī. Dio cū careparā na rupaari ānajere na ūgaato ii, nare capijowī ángel yucaare. —Capee anigaro na rupaari ānaje.

¹⁸Cauparā rupaari ānajere muja ūgagarā. To bairona surara majare carotirā quenare, seeto caquē majibatana quenare, caballoa quenare, na bui capeja aāna quenare, nipetirā camaja na rupaari ānajere muja ūgagarā. To bairi capaabajari maja quenare, na majuuna capaariquesūna quenare, cawamarā, cabucurā, camajirā quenare, nipetirā na rupaari ānajere muja ūgagarā. Capee anigaro muja caugape yua, na caīwī ángel yucaare.

¹⁹To bairo cū caïro yū catujujowu tunu ati yeparure. Atore neñaporā cabaiwā camaja. Monstruo quena, ati yepa macana uparā quena, na surara quena neñaporā cāma. “Caballo bui capeja aācure cū mena macana quenare na mani jīa recōarā,” irā, neñaporā cāma. ²⁰To bairo na canēnaporu yua, caballo bui capeja aācu maca pūgarāre na cañewī. Monstruo quenare, cū bero macacu caïto paii quenare na cañewī yua. Caïto paii cabero macacu maca camaja na catujū acuarijere cāti iñooricu cāmi. Monstruo cū jūgoye macacu cū camajio joorije jūgori to bairo catujuya maniere cāti iñooricu cāmi. To bairo na áti iñoori camajare na caïtoyupi. Monstruo ya wamere na riya pāiroripure cauca tu rotiricarāre caïtoricu cāmi. Cūre bairo cabauu na cawericure cāti nucubogorāre

na cañtoricu cãmi. To bairi yua monstroore, monstroo bero macacu caĩto paiire na puğarãpũrena na cañewĩ caballo bui capeja aácu maca. Na ñei yua, cacatirãrena na carecõa joowĩ asufre mena cañri peropũ, pairi pero majuu. ²¹ To bairo na recõa jou yua, aperãre na mena caneñapobatanare na cajĩa recõawĩ. Cu ya pãi mena, jarerica pãi mena na cajĩa peocõawĩ. Cu rijeropũre cabuti nũcari pãi mena na cajĩawĩ caballo bui capeja aácu maca. To bairo cu cajĩaro bero na rupauri ãnajere yucaa maca cauga yapicoama rooro majuu yua.

Los mil años

20 ¹ Cabero yũ catujujowũ tunu ángel apeĩ umũrecoopũ carui acũre. Llavere cacũgowĩ, pãricarore, ope cañcuarĩ opere pãricaro. Come wẽre cadena capairi wẽ quenare cacũgowĩ. ²⁻³ To bairi ati yepapũre rui eja, dragõre cu cañewĩ. Pinore bairo cãcu carujugoure diablo, wãtia upau o Sataná cawamecũre cu cañewĩ. To bairo cu ñei yua, ti wẽ come wẽ mena cu cajĩa tuwĩ. Cu jia tu, ti operũ cañcuarĩ operũ cu catũga ne roca jãacõa joowĩ. To bairo cu tũga ne roca jãa yaparou ti opere cabia tucõawĩ llave mena. To bairi mil cãnacã cũmari majuu pãrique manigaro. Mil cãnacã cũmari camajare na cu itoqueticõato ñi, to bairo cabiawĩ ti opere ángel. Mil cãnacã cũmari bero to cõona, ti operũre cu buti rotigũmi tunu dragõre. Cũre cu cabuti rotibato quena, yoaro caroorijere áti teñaquetigumi dragõn yua.

⁴ Cabero yũ catujujowũ tunu ruiriquere caroti majirã na caruirijere. Topũ caruirã quenare na yũ catujujowũ. Na maca camajare Dio cu cabeje rotirã cãma. To bairi tunu aperã quenare na yũ catujujowũ cabai yajiricarã catunu catirãre. Jesure caapiũjarã, Dio ye quetire caapiũjarã cãma. Ati yepapũ ãnaa mai monstroore cu cáti nũcũbugoquẽjuparã. Cũre bairo cabauũ camaja na cawericũ quenare cáti nũcũbugoquẽjuparã. Na riyã pãiroripũre, na wamoripũre cu ya wamere cauca tu rotiquẽjuparã. To bairona cu cabooquẽjuparã. To bairo na cabairo yua, ati yepa macana maca na cajĩa rewã. Na rũpoarire capajure recõañuparã. To bairo ãna nare cajĩa rewã. To bairo na cajĩabato quena Dio maca nare catunu catiopyupi. To bairo cu cáto Jesucristo mena carotirã anigarãma mil cãnacã cũmari majuu yua. ⁵ Naa, Dio cu catunu catio jugóricarã cãma. Aperãre cabai yajiricarãre Dio na catunu catioquẽmi mai. Mil cãnacã cũmari bero nare tunu catiogũmi Dio aperã macare. ⁶ To bairo Dio cu catunu catio jugóricarã maca wariñuu anigarãma seeto. Dio yarã majuu ãma caroarã. Cabai yajiricarã anibana quena puğani yajiquetigarãma. Peropũ na requetigumi Dio. Diore, cu Macũ Jesucristo quenare áti nũcũbugori sacerdote majare bairo maca anigarãma, Dio yere buiobojarã. To bairi Jesucristo mena carotirã anigarãma mil cãnacã cũmari majuu yua.

⁷ To bairi mil cãnacã cũmari capetiro ángel pãricarore cacũgou, Sataná macare preso joorica operũ cãnacure cu buugumi yua. ⁸ To bairi Sataná maca buti ejaũ ati yepa macanare na itogumi tunu. To cãnacã paũ camaja na cãni paũripũ na ñto teñagumi. Gog, Magog cawamecuti macari macana quenare na ñto teñagumi. Camaja capãarã majuu neñari na ame quẽato ñi, na itogumi Sataná. To bairi capãarã majuu camaja poari cõona, cõõña peo majiña mano na itogumi yua. ⁹ To bairo nare cu caĩtoro cu caĩ rotirore bairo átigarãma. To bairi nipetiroopũ cãnana neñapogarãma, Dio yarãre quẽgarã. To bairi Dio yarã na cãni macare carupa beto tũjũnucuri na

camotagarāma. Ti maca Dio cū camairi maca macanare na camotagarāma. To bairo na cātibato quena yua, pero umurecoo macaje na wē re peagor. To bairi caquēgabatana maca ũ peticoagarāma yua. ¹⁰To bairo na cabairo Dio maca diablo Satanáre wátia upaure ati yepa macanare cañtoricu majuu cū rocacōa joogumi asufre mena cañri peropu capairi pero majuu. Monstruo, cū bero macacu caño paii mena, na cū care jooricaropu cū rocacōa joogumi Sataná quenare. To bairi topu ānaa umurecoo quenare, ñami quenare seeto wijiocōa aninucugarāma to cānacā rumu, ti peropure ānaa yua.

El juicio ante el gran trono blanco

¹¹ Cabero yu catujujowu tunu ruiricaró pairi cumuro, caupau cū caruirica cumuro, cabotiri cumurore. Topu caruii quenare cū yu catujuwu. To bairo yu catujuro umurecoo capeticoapu. Yepa quena capeticoapu. Cabero cabaunemoquēpu yua. ¹²To bairo cabairo cabai yajiricará catunu catiricarāre na yu catujuwu. Caupará quenare, cawatoa cāna quenare na yu catujuwu nipetirāre. Caupau cū caruiro riape catujunucuwā. To bairo na catujunucuro cū a, Caupau maca capāwī cū papera pūurire. To bairi ape pūuro quenare capāwī. Ti pūuro cabero macá pūuro maca Dio yarā na wamerire cū cauca turica pūuro cāmū. To bairi camaja nipetirā cabai yajiricará catunu catiricarāre na cacōña bejewī Dio rooro na cātaje, caroaro na cātaje quenare, ti pūuripure cū cauca turiquere tujuri. ¹³To bairi mar capairi yapu cayajiricará catunu catiwā. Ati yepapu cayajiricará quena catunu catiwā. To cānacā yūtea macana ati yepapu cānibatana catunu catiwā. To bairo na catunu catiro, cū Caupau maca na quenare na cacōña bejewī rooro na cātaje, caroaro na cātaje quenare, cū cauca turiquere tujuri. ¹⁴Caroorije cātana maca asufre mena cañri peropu na carecōa joowī pairi pero majupure. To bairi Dio cū cabooquēna maca ti peropu cayajinemowā. Pūganipu cabai yajiricarāre bairo cayajiwā. Rooro majuu cabaiwā yua. ¹⁵To bairi noa Dio yarā cū mena cānicōa anipará na wamere cū cauca turica pūuropure na ya wame uca turique camamata na carecōa joowī ti peropu yua.

Cielo nuevo y tierra nueva

21 ¹ Cabero yu catujujowu tunu. Cawama umurecoo quenare, cawama yepa quenare yu catujujowu. Cajugoye macaje ati umurecoo, ati yepa quena capeticoapu. Mar capairi ya quena camamu. Dio nemoo cū cāti jeñoorique cawajoarique jeto cāmū yua. ²Cawajoarique jeto tujū yaparou yu Juan yu catujujowu tunu. Cawama maca umurecoo Dio tūpu carui nutuatí macare yu catujujowu. Ti maca Nueva Jerusalén cawamecuto caroa maca, Dio ya maca majuu cabauwu. Cāromio wamo jiago co manapu cānipau, yure cū tujū wariñuato ño caroa jutii jañacōarico co cabaurore bairona cabauwu ti maca caroa maca. ³Cabero tunu baujaro majuu cawadarijere yu caupiwu. Upau cū caruiri pauna ocōo bairo caí wadawu: —¡Apiya! Yucura Dio cū yarā mena anicōa aninucugumi. Na aáweoquetigumi. Naa cū yarā majuu anicōa anigarāma. To bairi Dio na mena aniri na Upau anicōa anigumi to cānacā rumu yua. ⁴To bairi cū yarā na caotirijere, na cape ocore na coje rebojagumi Dio, to cōona tūgoōñarique paiqueticōaña na ii. “Caroaro mūjaare yu cotecōa aninucugū to cānacā rumu yua,” na igumi Dio nare, cū yarāre. To bairi bai

yajiquetigarāma. Riaye manigaro. Tūgoōñarique pairique quena manigaro. Otirique quena manigaro. Wijiorique quena manigaro. Ti yepa macaje cāni jūgobataje manigaro. Caroa wariñuurique jeto anigaro atopure Nueva Jerusalén cawame cutopure Dio mena, caī bau buti ejawu.

⁵To bairo caīro bero ti paupū caruii Upau maca:

—Apiya mūjaa, caīwī Dio. —Nipetirije caroa cawama jeto yū āa tunu, caīwī.

To bairo īi yū cauca tunemo rotiwī:

—Tie mū caapieje caroaro cariape queti buiorique ā. To bairona baicōa anigaro tie mū caapieje. To bairi tiere uca tuya mūa, yū caīwī Dio.

⁶To bairo ī:

—To cōona ā, yū caīwī. —Yua, nipetirijere cātacu yū ā. Nipetirijere camajii yū ā. Nipetirā netoro catutuau yū ā. Cāni jugoricu yū ā. To bairona yū anicōa aninucugu to cānacā rumū. To bairi camaja seeto caboorāre catiriquere na yū joonucu. Wapa mano na yū joonucu. Na cajeniro nemoona na yū joonucu caroaro catiriquere, yū mena na anicōa aninucuatō īi yua. ⁷To bairi noa caroorijere Satanā cū carotirijere cātiqueticōa aninucurāre nare yū joogu caroare. Na cāti nūcubūgon yū anicōagu. Na maca yū punaa majuu cāna anigarāma. ⁸Aperā maca uwirā yū ye quetire caapijajuēna maca asufre mena caīri peropū anigarāma. Yure caapi nūcubūgoquēna quena, caroorije cātīcōana quena, aperāre cajīarā quena, cāti epericarācūna quena, cumu ānajere cāna quena, Dio cāniquēna wericarāre cāti nūcubūgorā quena, caīto pairā quena, nipetirā to bairona cabairā peropū aāgarāma asufre mena caīri peropū na ye wapa. To bairo tamuori pūgani cabai yajiricarāre bairo yajinemogarāma, caīwī Dio.

La nueva Jerusalén

⁹Cabero ángel yū tūpū caejawī tunu. Rooro tamuorije cajaanari jotūri cacūgorā siete mena macacu jīcau cāmi. Yū tūpū ejau:

—Adūja, yū caīwī. —Mure yū iñoogu Cordero cū nūmo cānipao co cāni maca.

Cū nūmo cānipao īi Jesure canūcubūgorā cāni poa īgu caīñupi. ¹⁰To bairo yū ī, Espiritu Santo cū camajorijere jūgori yū cane aāmi ū taupure. Pairicu, caumuaricu buipure yū cane aāmi. To bairi topu yure ne aā, yū caīñoowōwī caroa macare. Dio tūpū carui nutuatī macare yū caīñoowōwī Dio ya maca macare, pairi maca, Jerusalén cawamecuti maca majuuere. ¹¹Ti maca Dio cū caaji baterije mena caajiyawū. Ū ta rupaacā cawapa pacarije caroa caajiyari rupaacāre bairo caajiyawū. Jaspe cawamecuti rupaacā caajiyarore bairo cabauwū. Vidrio cabotirijere bairo caroaro cabauwū ti maca. ¹²To bairi ti macare ū ta rupa mena na cawe amojorerica janiro cāmū. Ūmuaro majuu bia ejoorico cāmū. Tūbūro majuu cāmū na cabiarique quena. To bairi joperi doce majuu cāmū. Ti joperi cāno cōona cāma ángel maja. To bairi ti joperi buire uca turique cāmū. Israel macana doce poari macana na wameri uca turique cāmū joperi buire. ¹³To bairi ti maca tūjaro na cajanía amojorerica janioropure to cānacā nūgoa tūpūrena itia jope jeto cajopericūpū ti janioropure. Ti joperi cāno cānacāna cāma ángel maja. Muipu cū capiya atī puri macare itia jope, cū caroca jāatī puri macare itia jope, cajōcū nūgoa tū itia jope, ape nūgoa tū quenare itia jope cāmū ti janioropure. ¹⁴To bairi ti maca ū ta rupa mena na cawe amojorerica janiro pūtopure cāmū ū ta pāiri, doce

majuu capaca pãiri. Na cawe cū jugórica pãiri cãmũ, ti janiro caroaro to tujñucuatō irã. To bairi ti pãiri buire uca turique cãmũ. Apóstol maja, Cordero yarã doce majuu na wameri cãmũ uca turique ti pãiri buire.

¹⁵To bairi cū a ángel yure caqueti buioũ maca cõñaricũ cacũgowĩ. Oro caajiyaricũ cãmũ. Tii mena ti macare cõñagu cabaiwĩ. Ti maca joperi quenare, ti maca ù ta mena na we amojorerica janiro quenare cõñagu cabaiwĩ. ¹⁶To bairi tiire ne aá, ti macare cacõñawĩ yua. To bairo cũ cacõñaro to cãnacã ñugoa jicaro cõo jeto cãmũ ti maca. To bairi dos mil doscientos kilómetros cõo yaro cãmũ to cãnacã ñugopuna. To bairona dos mil doscientos kilómetros umũaro majuu cãmũ ti maca. ¹⁷Cabero tunu ti maca ù ta mena na cawe amojorerica janiro quenare cacõñawĩ ángel. Camaja na cacõñarore bairona cacõñawĩ. To bairi sesenta y cuatro metros umũaro majuu cãmũ ti maca na cawe amojorerica janiro maca.

¹⁸To bairi jaspe na caĩrije caroa ù ta rupaa mena na cátaje cãmũ na cawe amojorerica janiro. To bairi ti maca oro majuu caajiyarije mena na cátaje cãmũ. Ugueri mano caroa eñorore bairo caajiyawũ. ¹⁹⁻²⁰To bairi ti maca na cawe amojorerica janiro caputo macaje, na cawe cū jugórica pãiri maca caroa ù ta pãiri majuu cãmũ. Doce pãiri majuu cãmũ. Jica pãĩ jaspe cawamecutie ù ta pãĩ caroa pãĩ cãmũ. Ape pãĩ safiro cawamecutie ù ta pãĩ cãmũ. Ape pãĩ ágata, ape pãĩ esmeralda, ape pãĩ ónice, ape pãĩ cornalina, ape pãĩ crisólito, ape pãĩ berilo, ape pãĩ topacio, ape pãĩ crisoprasa, ape pãĩ jacinto, ape pãĩ amatista cawamecutie caroa ù ta pãiri cãmũ, ti maca na cawe amojorerica janiro caputo macá pãiri, na cawe cū jugórica pãiri. ²¹To bairi ti maca macaje joperi perla cawamecuti rupaa mena, caroaro cabotiri rupaa mena na cátaje cãmũ. To cãnacã joperipurena jica jeto cãmũ perla. To bairi ti maca recomaca cáaáti wã oro majuu mena na cáta wã cãmũ. Ugueri mano caroa eñorore bairo caajiyawũ ti maca recomaca cáaáti wã.

²²To bairi ti macapure ti wiire Dio wii unore yũ catũjaquẽpũ. Camamũ Dio wii, templo na caĩri wii. Ti maca nipetiropũ Diore cũ cáti ñucubugowã ti maca macana maca. Dio catutuaũ, cũ Macũ Cordero cawamecuti quenare na cáti ñucubugowã camaja ti maca nipetiropũ. To bairi ti maca nipetiro Dio ya paũ majuu, templo cãmũ. Dio cũ cãnopũ cãmũ ti maca.

²³To bairi ti maca ñe unie carũjaquẽpũ cajĩa bujupe. Dio ye cũ caaji baterije mena caroaro cabujuwũ. Cordero cũ caajiyarije mena quena caroaro majuu cabujuwũ. To bairi muipu umureco macacu quena, muipu ñami macacu quena na camanibato quena ñe unie carũjaquẽpũ cajĩa bujurije ti macapure. ²⁴To bairi to cãnacã poa macana camaja na cãni paũripũ ti maca cabujurije jugori na cátipere caroaro áti majicõagarãma. To bairi ati yepa macana cauparã ti macapure ejagarãma, Diore cũ áti ñucubugorã ejarã. ²⁵Ti maca macaje joperire biaquetigarãma. Pãrica joperi jeto aninucugaro to cãnacã rumũ. Ti macapure ñami manigaro.

²⁶To bairi camaja to cãnacã poa macana ti macapure ejagarãma, Diore cũ áti ñucubugorã ejarã yua. ²⁷Dije unie caroorije ti macapure jãaquetigaro. Caroorije cána quenare na jãa rotiquetigumi Dio. Caĩto pairã quenare na jãa rotiquetigumi. To bairi Cordero cũ yarã na wamerire cũ cauca turica pũuropũ na wamerire cũ cauca turicarã jetore na jãa rotigumi Dio ti macapure.

22 ¹Cabero ángel yũ caiñoowĩ tunu riare. Ti ya mani cacaticõa aninucupere cajoori ya cãmũ. Cabotiwũ eño pãire bairo. Ti ya ria Dio, Cordero quena na caruiri paũ eoropũ cabutiwũ. ²To bairi ti ya ria ti

maca recomaca macá wāpɔ cayu aáɔpɔ oco. To bairi ti ya ria puɔa nɔgoa tɔpɔna yucɔri cāmɔ. Ti yucɔ rica mani cacaticōa aninucupe cajoorije cāmɔ. To bairi ti yucɔ to cānacāɔpɔna caricacɔpɔ doce wameri majuu. Jīca wame caricacɔpɔ to cānacā muiɔu. Ape muiɔu ape wame, ape muiɔu ape wame caricacɔpɔ. To bairi tunu ti yucɔ pūu quena cañuubujawɔ. Ti pūu jɔgori camaja nipetiri poa macanare na cacatiope cāmɔ. ³To bairi ti macapɔre caroorije manigaro. Caroa jeto anigaro. Dio caroti majii majuu cɔ caruiro topɔ anigaro. Cordero cɔ caruiri paɔ quena topɔ anigaro. To bairo Dio cɔ Macɔ mena topɔ cɔ cāno yua, Dio yarā cɔ carotirijere cāna maca cɔ ī wariñuu nɔcɔbugogarāma. ⁴To bairi Diore cɔ riapena cɔ tɔju majigarāma. To bairo quena na riya pāiroripɔre uca turique baugaro. Dio ya wame uca turique majuu baugaro na riya pāiroripɔre. ⁵To bairi mani Ɔpaɔ Dio cɔ caaji baterije mena ti macare jīa bujugumi. To bairi jīa bujurique unie manigaro. Muiɔu quena manigumi. To bairo cañ bujurije to camanibato quena cabujurije jeto anicōagaro. To bairi ñami manigaro. To bairi Dio yarā Jesucristo mena carotirā anicōa aninucugarāma yua.

La venida de Jesucristo está cerca

⁶ Cabero yɔ cañwī tunu ángel yɔre caqueti buio tɔjau:

—Mɔre jā caqueti buioeje nipetirije caroaro cariape ā. To bairona baicōa anigaro, yɔ cañwī. —Mani Ɔpaɔ Dio, cɔ ye quetire cabuioarē cajou maca, jā joomi. Jāre ángel majare mɔ tɔpɔre jā joomi. Yɔ yarā ti yepa macana, yɔ carotirijere caapijjarā maca ti ɔmɔrecoo capetiparo jɔgoye cabaipere caroaro na majiatio īi, jā joomi Dio mɔ tɔpɔ. Mɔre cɔ caqueti buiorore bairo yoaro mee baigaro, yɔ cañwī ángel.

⁷To bairo cɔ cañro bero apeye wadariquere yɔ caapiwɔ tunu, Jesu majuuna cɔ cañrijere:

—iCaroaro apiya mɔjaa! Yoaro mee yɔ atígɔ, cañwī Jesu. —To bairi wariñuu anigarāma ati pūuro ucarique macajere caroaro caapijjarā maca, cañwī Jesu.

⁸To bairi yɔna Juan cawamecɔcɔ to bairijere yɔ caapiwɔ. Atiere mɔjjaare yɔ caqueti buio uca joorijere yɔ caapiwɔ. Atiere yɔ catɔjwɔwɔ nipetirijere. To bairi ángel tɔpɔre ɔpɔpatuapɔ ejacumuri cɔ yɔ cañ nɔcɔbugowɔ.

⁹To bairo yɔ cato cɔ maca:

—iTo bairo átiqueticōaña! yɔ cañwī ángel. —Mɔre bairo cācɔ yɔ ā, Dio cɔ carotii yɔ ā. Mɔ yarāre bairo quena, Dio ye quetire cabuioarē bairo quena yɔ ā. To bairona ati pūuro queti buioriquere caapijjarāre bairo yɔ ā yɔ quena. To bairi ɔpɔpatuapɔ yɔ tɔre mɔ ejacumuquēpa. Dio jettore cɔ jeni nɔcɔbugoya, yɔ cañwī ángel yɔre.

¹⁰To bairo ī, yɔ cañwī tunu:

—Ati pūuro mɔ cauca turiquere cayajioropɔ mɔ cūquēpa. Camajare na mɔ iñoogɔ. Camaja nipetirā ati pūuro macajere na bue majiatio īi, na mɔ iñoogɔ. Yoaro mee baigaro ati pūuro caqueti buiorije, yɔ cañwī ángel.

¹¹—Caroorije cānare yɔ cacūwɔ yɔ careparāre mere. To bairi caroorije caticōa āna to bairona na áticōato. Caroorā aniri to bairona na anicōato na quena. To bairi caroaro caticōa āna maca to bairona na áticōa āmaro. Caroarā cāna aniri to bairona caroarā na anicōato, yɔ cañwī.

¹²To bairi Jesu maca:

—Caroaro tɔgoañaña. Yoaro mee yɔ atígɔ. Caroorije caticōa ānare na yɔ pɔpiyeyegɔ. Caroaro caticōa āna macare caroare na yɔ joogɔ. Na cātaje

cõõnari na ye wapa na yu joogu camaja nipetirãre, yu caĩwĩ. ¹³—Yua nipetirijere cátaçu yu ã. Nipetirijere camajii yu ã. Nipetirã netoro catutuau yu ã. Cãni jũgoricuna yu ã. To bairona yu anicõa aninucugu to cãnacã rũmũ, yu caĩwĩ Jesu.

¹⁴Wariĩuu anigarãma cabai bui cutiquẽna. Na maca ocõo bairo yu jeninucuma: “Caroorije yu cátie uguerĩ coje rericarore bairo majirioya,” Diore cũ jeninucuma. To bairo cũre cajenirã aniri Dio cũ canetooricarã anicõama. Jutii caũguerĩ maniere bairo caroarã anicõama. To bairi ti macapũ na yu jãa rotigu joperipũre. Na jãa roti, ti yucũ ricare nare cacaticõa aninucupere cajoorijere na yu uga rotigu yua. ¹⁵Dio yarã jeto ti macapũre jãa majigarãma. Aperãre na yu jãa rotiquetigu. Caroorije majuu cáticõa ãna jãa majiquetigarãma. To bairona cumu ãnajere cãna quena jãa majiquetigarãma. Caroorije cáti eperã quena, aperãre cajãrã quena, Dio cãniquẽna wericarãre cáti nũcũbugorã quena, nipetirã caĩtorijere seeto caboorã quena, to bairo cabairã nipetirã jãa majiquetigarãma Dio ya macapũre.

¹⁶Ocõo bairo yu caapiwu tunu:

—Yuna Jesu yu ã. David tirũmũ macacu pãrami yu ã. To bairi cabujuri ñocore bairo yu ã. To bairi yu tu macacu ángelre cũ yu joowũ mu tũpũre. Juãre cũ queti buioato ñi, cũ yu joowũ. Yu yarã, yu yere caneñapo buerãre Juan cũ caqueti buio netopere cũ majiatio ñi, cũ yu joowũ ángel mu tũpũre, yu caĩwĩ Jesu.

¹⁷To bairo cũ caĩro Espĩritu Santo, “Aduja,” caĩwĩ. Jesucristo yarã “yu nũmo” cũ caĩri poa cãna mena, “Aduja,” ñma. “Aduja,” ñma camaja nipetirã Dio ye quetire caapijarã. “Noa caboorãre na netoobojagumi Dio na capopiye tamũobopere. Wapa mano na netoobojagumi Dio cũre na cajeniata,” ñma naa, Dio yarã.

¹⁸To bairi yua Juan, cãni tujari wamere mũjaare yu ñ ati pũuro macajere caapirãre: Caroaro cariape camajare na queti buio netoña mũjaa ati pũuro macajere. Jĩca wameacã caroorije ajuyaquẽtona na queti buio netoña. To bairona yu caucarore bairona na buioya aperãre. To bairo cariape jeto na mũja caqueti buio netoquẽpata mũja popiyeyegumi Dio. Riaye ati pũuro macaje caqueti buiorore bairo mũja joogumi Dio caroaro cariape mũja caqueti buio netoquẽpata. Seeto nũcũbugorique majuu mena mũjaare yu ñ yua Juan mũjaare. ¹⁹To bairi tunu ati pũuro queti buiorique jĩca wameacãre noa na cabooqueticõaata Dio maca na uga rotiquetigumi yucũ ricare. Cũ ya macapũ yucũ ricare cacaticõa anipere cajoorijere na uga rotiquetigumi Dio. Jĩca wameacã na cayajioata cũ ya macapũre na jãa rotiquetigumi. Ati pũuro caqueti buiorica macare, caroa macare Dio ya macapũre na jãa rotiquetigumi Dio. Seeto nũcũbugorique mena yu ñ mũjaare.

²⁰To bairi ati pũuro queti buioriquere caqueti buioũ Jesu maca ocõo bairo ñmi:

—To bairo yu caĩrore bairo yu atĩgu. Yoaro mee yu atĩgu, ñmi Jesu.

Yu maca ocõo bairo cũ yu ñ:

—Mũ caĩrore bairona to baiato. Yoaro mee aduja, cũ yu ñ yua yu Urau Jesure.

²¹To cõona ã. Mani Urau Jesu caroaro mũjaare cũ átibojaato nipetirã cũre caapijarãre. To bairo to baiato. Amén.

To cõona yu Juan yu uca.